

鄭

氏

爻

辰

補

鄭氏爻辰補卷三

丹徒戴 棠著

咸

取女吉

張惠言云。咸者。男感女之始。漸者。女歸之漸。爻皆六二辰在酉。秋分之期。故咸著取女吉。漸著女歸吉。以明納采請期之節。周易鄭荀義

初六咸其拇

拇。鄭云。足大指也。釋文案。初六辰在未。得坤氣。坤爲母。卦說

惠棟云。拇母同物。初與四應。四感初。初為足。故咸其拇。

六二咸其腓

腓。鄭云。膊腸也。

釋文

說文腓。脛腓也。腓。腓腸也。九三

辰在辰得巽氣。巽為股。

說卦

二在三下。腓之象。

九三咸其股執其隨

九三辰在辰得巽氣。巽為股。

說卦

又為隨。

虞翻

二感三三

亦感二。故咸其股。艮為手。

說卦

以手持物。故曰執。

九四 朋從爾思

上體兌為朋。

虞翻

泰九四震爻。位近卯。上值心星。石氏

曰心者宣氣也。開元占經心之官則思故朋從爾思。

九五咸其脢

九五爻辰在申上值參。參有左臂右臂。開元占經引玉

門右臂。脢鄭云背脊肉也。釋文案此與疏引脢最難

主天獄。感而上感之故咸其脢。

上六咸其輔頰舌

上六兌爻兌為口舌。說卦又為輔頰。九家易說文輔頰

名輔車言其骨強所以輔持口也。頰夾也。面旁稱也。亦

取挾斂食物也。舌泄也。舒泄所當言也。廣釋名云太平御覽三百六十七引春秋辰在西上值昴附星卷舌石

氏星經曰。卷舌六星在昴北。主讒佞言語之吏。太平御覽六
故咸其輔頰舌。

恆

終則有始也

說見蠱

初六浚恆

浚鄭本作濬。釋文案初六辰在未。得坤氣。坤爲老陰。崔憬繫上

注惠棟云。陰在初。稱濬。濬與浚通。莊九年公羊傳云。浚

之者何。深之也。巽得坤之初畫。故曰濬恆。始失而求深。

故凶。

九二悔亡

二以陽居陰失位故有悔。九二坎爻辰在子。上值虛祖冲之曰。虛爲北方列宿之中。二中升之五亦中。故悔亡。

九三不恆其德或承之羞

鄭云。得正互體爲乾。乾有剛健之德。體在巽。巽爲進退。是不恆其德也。案九三辰在辰。又得巽氣。又互體爲兌。兌爲毀折。是將有羞辱也。禮記緇衣疏

九四田无禽

九四辰在午。鶉火之次也。史記索隱引文耀鉤云。南宮赤帝。其精爲朱鳥。柳星張屬之。故有禽象。四以陽居陰。久非其位。雖勞无獲。故田无禽。

六五恆其德貞婦人吉夫子凶

鄭云。以陰爻而處尊位。是天子之女。

案六五辰在卯。上值尾。晉書天文志。

尾九星。后宮之場。

又互體兌。兌爲和說。至尊主家之女。以和說

幹其家事。問正於人。故爲吉也。應在九二。又男子之象。體在巽。巽爲進退。是无所定。而婦言是從。故夫子凶也。

禮記緇

衣疏

上六振恆凶

振鄭云搖落也。

釋文案釋文引馬融云震動也略同。

案上六兌爻兌正

秋季秋之月草木黃落故有振象。

遯

初六遯尾厲勿用有攸往

初六巽爻位近已上值鵠尾之次有尾象。

說文尾微也从到毛在尸

後釋名尾微也承脊之末稍微殺也。

陸續云陰氣已至二而初在其後故

曰遯尾也。避難當在前而在後故厲。往則與災難合故

勿用有攸往。

集解

六二執之用黃牛之革莫之勝說

六二辰在酉上值昴附星天苑黃帝占曰天苑主苑牧

犧牲牛半之屬開元占經故象牛遯下體艮為手卦說故稱執

二得中應五固志守正故莫之勝說馬庚吉云遯六二上值胃昴畢與北

方牽牛近故曰執之用黃牛之革

九三係遯有疾厲畜臣妾吉

九三辰在辰得巽氣巽為繩卦說故稱係二係三故係遯

三上值亢氏史記天官書亢主疾又云氏主疫故有

疾三多凶故厲三又上值太微垣幸臣文獻通考幸

臣主親愛臣。又上值氏四星。石氏曰。前二星嫡。後二星妾。開元占經荀爽謂潛遜之世。但可居家畜養臣妾。集解是也。

九四好遜君子吉小人否

九四辰在午。上值少微。漢書天文志。廷藩西有隋星四。名曰少微。石氏星簿讚曰。少微四星。逸士位。開元占經侯果

云。不處其位而遜於外。好遜者也。然有應在初情未能

棄君子剛斷。故能舍之。小人係戀。必不能矣。故君子吉。

小人否矣。集解否。鄭注。塞也。釋文

九五嘉遯

九五坎爻辰在子上值女。晉書天文志須女四星天少府也。須賤妾之稱。婦職之卑者也。主布帛裁製嫁娶。惠棟云昏禮爲嘉陰陽相應義同婚葺故云嘉遯。

上九肥遯无不利

子夏曰肥饒裕也。釋文案上九辰在戌得乾氣乾盈爲肥。

虞翻故曰肥遯乾爲利。虞翻繫故无不利。上九又艮

爻丑上值斗。莊存與云古者大夫七十而致事斗見於

南方有縣車之象而農丈人者田事也。案晉書天文志農丈人在南斗

西南老農主稼穡也故曰肥遯无不利。味經齋遺書肥或作飛淮南

九師道訓曰遁而能飛吉孰大焉。張平子思元賦曰利
飛遜以保名。曹植七啓飛遁離俗。卽易之肥遜也。上與
三應。三五巽辰在巳。上值鶉尾之次。周禮曰鶉尾一名
鳥帑。皇甫謐曰鶉
尾一名鳥注。
一名天旄。翼軫屬之。故有飛象飛者喻无所拘也。

大壯

雷在天上

大壯下體乾。辰在亥。上值壁附星。霹靂。甘氏讚曰霹靂
奮擊。猝拽拖投。開元占經釋名曰霹靂
析也。所歷皆
破析震戰也。故雷在天上。
初九壯于趾。征凶有孚。

初九震爻震爲足

說卦

故爲趾

釋名趾止也言一進一止也

初四敵應

故壯于趾征凶初辰在子得坎氣坎爲信

乾鑿度

故有孚

九二貞吉

九二坎爻辰在子上值虛祖冲之曰虛爲北方之中宿二居得中位以陽居陰履謙不亢故貞吉

九三小人用壯君子用罔貞厲羝羊觸藩羸其角大壯下體乾辰在戌上應室莊存與云室上有離宮故爲棟宇宮室北落在其外天之藩落也九三曰羝羊觸藩羸其角八魁天綱在其左右羅罔之象故曰小人用

壯。君子用罔。罔罔也。以禦壯也。君子包周身之防。物情

有變。不逆不億。而先覺焉。忠信而已矣。謂忠信不可以

人患。則愚也。忠非忠。信非信。苟忠且信。必知患。必知備。

神而莫之能測。斯君子之所以藏身也。味經齋遺書 荀爽

曰。三與五同功。為兌。故曰羊。案兌上值昴。附星天苑。文獻通考。天苑主馬牛羊。

終始陽位。故曰羝。說文。羝。牝羊。董真卿周易會通。引張軌曰。羝。殺羊也。 藩謂四

也。集解。引侯果云。九四。三欲觸四而危之。四反羸其角。體震為竹。葦。故稱藩。

錢大昕云。大壯九三羸其角。上值角也。案三辰在辰。故上值角。開元占

經。引鄭。萌曰。角。羸。鄭作繫。馬融云。大索也。並釋文。九為龍角。故象角。

鄭氏文長補 卷三 七

文鼎大索也與馬訓同則羸
當爲羸或古文以羸爲羸

九四 藩決不羸壯于大輿之輓

決者壞也。成十五年左氏四藩決。藩字解故不羸九五

辰在卯上值氏附星天輻。巫咸曰天輻宰乘輿之官也。

開元輓者車下縛也。四陽上決五陰故壯于大輿之輓。

九四互乾辰在戌上值奎莊存與云王良造父車馬之官在焉壯于大輿之輓大壯也。

六五喪羊于易

六五互兌爲羊。說卦兌上值昴附星天苑。文獻通考天苑

十六星主馬牛羊四失位動成泰外體坤爲喪。虞翻坤

故云喪羊。易鄭注謂佼易也。

釋文

或說六五離爻辰在

午。上值柳。南宮侯曰。柳其物羊豕。

開元占經

故有羊象。易陸

績謂疆易也。

釋文

案漢書禮樂志。安世房中歌。吾易

易不爭。是古疆易字多作易也。

李惇羣經識小云。疆

場之場。古文本作易。其從土旁者。後人之所增也。此爻及旅上爻喪牛于易。易字。即疆場之場。

五得震氣。震爲大塗。

說卦

震辰在卯。

上值房。史記索隱引尙書運期授曰。所謂房四表之道。

故象易也。

上六羝羊觸藩不能退不能遂

羝羊。詳見九三六五爻。

上應在三而隔四。四爲藩。故

抵羊觸藩。上辰在巳。得巽氣。巽爲進退。說卦故不能退。不能遂。

晉

晉康侯用錫馬蕃庶晝日三接

鄭云。康尊也。廣也。蕃庶謂蕃遮禽也。接勝也。釋文案

遮九經古義云管子侈靡篇六畜遮育五穀遮熟則蕃遮猶蕃育也張惠言云諸侯來朝天子天子錫之乘馬與之田獵虞人蕃遮禽獸以待發三捷三殺也此天子時會發禁選車徒之禮象治兵故曰捷詩車攻是也

案晉離上坤下坤辰在未井鬼柳屬之井附星有五諸

侯

文獻通考五諸侯一曰帝師二曰帝友三曰三公四曰博士五曰太史此五者常爲帝定疑議莊存與

云坤貞孟秋上應東井。晉為康侯五諸侯之象也。主帝
心而察失得。明大潤澤則天下治。人主自昭明德以師
友為康侯。定疑議戒不虞。三公太史博聞之士理陰陽。
慎刺舉雖有失得因而明之因而斷之矣。侯恤恤乎安
不忘危存不忘亡。故有侯象。井鬼為鶉首之次。柳為鶉
勿恤以為休也。火之次故有禽象。離辰在午其禽馬。
王伯厚曰吉日庚午既差我馬即午
為馬。故有馬象。離為日。卦說故有晝象。離上值七星。晉書
天文志七星主急兵。離坤三陰在下故三接。

初六晉如摧如貞吉罔孚裕无咎

摧鄭讀如南山崔崔之崔。釋文案毛傳云崔崔高大也。初

進居四辰在午上值紫微垣三師。案三師即三公甘氏

齊故晉如摧如說文摧擠也案九四辰在午上值少

微石氏曰少微星微小則賢士退而忠臣廢開元占經有小

人摧抑君子之象故晉如摧如四得離氣離為罔虞翻大壯

九三故罔孚初辰在未得坤氣坤弱為裕虞翻注故裕无

咎

六二晉如愁如貞吉受茲介福于其王母

鄭云愁變色貌釋文周易姚氏學云愁鄭子小反蓋

同當即愁字說文愁憂也蓋憂在心而形於六五辰在

卯上值紫微垣句陳合誠圖曰句陳大帝之妃也開元占經

故稱王母介馬融云大也。釋文大福九家易謂馬與蕃庶

之物。集解二體坤為虛。虞翻注二互艮為手。說卦艮手持福與

二二受之故曰受茲介福于其王母。

六三眾允悔亡

允釋詁云信也。六三辰在亥得乾氣乾為信。虞翻大有上九注

又為人。虞翻履彖注三爻為三人。人三成眾。故眾允以六居

三失正故悔與上易位各得其正故悔亡。

九四晉如鼫鼠

九四互坎辰在子。王充論衡子其禽鼠也。四又互艮為

碩鼠

虞翻案上六注

故稱碩鼠。鄭注詩云碩鼠碩鼠无食我黍。謂

大鼠也。

易案

四本三公之位以陽居陰貪饕無厭有似

碩鼠故晉如鼯鼠。

六五 失得勿恤

失。鄭本作矢。

釋文

從馬融說也。

案集解引荀爽云五從坤動而來爲離離者射也故

日矢得說亦與鄭同

案六五辰在卯上值尾石氏曰尾一名天矢

開元占經

矢以喻直正直則得位无憂恤故往吉无不利

上九晉其角維用伐邑

上九辰在戌得乾氣乾爲首。

說卦

位在首上故稱角戌上

值奎。春秋佐助期曰奎主武庫。

北堂書鈔

上九又艮爻位近

丑。上值牛附星河鼓。大象列星圖曰河鼓三星在牽牛

北主軍鼓。

太平御覽

故維用伐邑。

明夷

初九明夷于飛垂其翼君子于行三日不食

毛西河云離位正南。值鶉火之次。鶉為朱鳥。虞書所言

日中星鳥是也。九居離之初。離為飛鳥。故曰于飛。為坤

所折。故垂其翼。

易小帖

荀爽云。不食者。不得食君祿也。

集解

錢大昕曰。子為元枵。虛中也。

潛研堂文集

分野略例云。自須女八度至危十五

度於辰在子爲元枵也。元者黑。北方之色。枵者耗也。十一月之時。陽氣在下。陰氣在上。萬物皆死。未有生者。天地空虛。故有不食象。初體離爲日。卦說自四至初三爻。故三日不食。明夷下體離。午上值星張。莊存與云。張爲急。可謂急已。

六二明夷于左股用拯馬壯吉

夷鄭作睪云旁視爲睪。

陸績同

六二辰在酉。酉在西方。又

下體離。離爲目。九三體在震。震東方。九三又在辰。辰得

巽氣爲股。

易漢學云。據周天玉衡圖。巽近辰也。

此謂六二有明德。欲承九

三。故云睪于左股。

禮內則疏。于左股爲睪于左股。

毛西河云。鄭康成以夷旁視曰睪。請六

二視九三則似左在上矣。然其解謂六二辰在酉，酉是西方。九三體在震，震是東方。六二下體離為目。九三辰得巽氣為股。六二有明德，欲承九三，故云睇于左股，則仍以方位言。左，東右西，以西方之酉借離目以視東方巽氣之股。故但指東西，不拘上下也。周易述云：夏小正曰：來降燕，乃睇。傳曰：睇者眄也。說文曰：眄，褻視也。秦語故鄭注內則亦曰：睇，傾視也。離為目，故為睇。管子宙合曰：君立於左，臣立於右，故君臣之分是左陽右陰。故陽稱左。周書武順曰：天道尙左。九三陽爻，故為左也。爻辰三在辰，孝經援神契曰：清明後十五日，斗指辰，為穀雨。後十五日，斗指巽，為立夏。是辰近巽，二為股，故九三云得巽氣為股，三為左股，二承三，故睇于左股。九三互震，辰在卯，上值房。石氏曰：房為天駟。開元占經：拯，鄭云承也。釋文：二承三，故云用拯馬壯吉。

九三明夷于南狩得其大首不可疾貞

九三辰在辰上值紫微垣太乙黃帝太一密推曰欲知
 巡狩之年當視太乙與天目在四維之歲法為巡狩三
 體離南方卦故云南狩三上值太微垣上將洛書曰
 太微西藩將執威誅不順占元經殲厥渠魁脅從罔治故
 云得其大首

六四入于左腹獲明夷之心于出門庭

三互震為左

虞翻泰象注

左腹

案說卦云坤為腹又云離其於人也為大腹

釋名云腹

復也富也腸胃之屬以自裹盛復於外復之其中多品似富者也

謂三也

鄭解二爻左股謂九三體

震此爻左腹震上值心星石氏曰心者宣氣也

開元占經

名心。纖也。所識。案心在左腹。故云入于左腹。獲明夷之

纖微。無不包也。

說卦

故云出。震方伯之卦。當春分。春分在卯。

說文云。𠄎。冒也。二月萬物冒地而出。象開門之形。故曰

于出門庭。

六四辰在丑。得艮氣。左氏莊三十五年傳曰。庭實旅百。杜預注。艮為門庭。六四又巽。冬陸

嵩云。巽為清明。辰為春分。位近辰。上值天門。案文獻通考。天門主天之門。故云于出門庭。

六五箕子之明夷

惠棟云。劉向云。今易箕子作芟茲。荀爽據以為說。蓋讀箕子為芟茲。古文作其子。其與亥子與茲字異而音義同。淮南子曰。爨其燧火。高誘注云。其音該。備之該。該芟

同物。故三統厯曰：該闕於亥，孳萌於子，是也。五本坤也。坤終於亥，乾出於子，用晦而明，明不可息，故曰箕子之明夷。明夷，反晉，晉，晝也。明夷，晦也。以十二辰言之，七日來復，則當子，以十日言之，自暗復明，則當旦，故昭五年春秋傳，卜楚邱論此卦，以爲明夷當旦，亦此義也。周易述

上六不明晦，初登于天，後入于地。

上六辰在巳，上值紫微垣北斗天樞。石氏曰：天樞主日。開元占經上應在三，離滅坤下，故不明晦。晉時離日在上，麗乾，故初登于天，明夷離日在下，故後入于地。

家人

家人利女貞

家人巽上離下。巽辰在巳。上值紫微垣陰德。史記正義曰。陰德星中宮女主之象。離辰在午。上值星附星軒轅。史記天官書。軒轅前大星。女主象。旁小星。御者後宮屬。案馬融云。家人以女爲奧主。長女中女。各得其正。故特曰利女貞矣。

集解 莊存與云。軒轅家人之位。南大星。女主。次北一星。夫人。次諸星。次妃之屬。女。

主南小星。女御。左角一星。少民。后宗也。右角一星。大民。舅族也。商頌元鳥。周歌生民。推原天命。皆自郊禘。位於南宮。以配太微。爲天下父母。垂象之尊嚴。若此。可不敬乎。

初九閑有家

初九辰在子。得坎氣。坎為閑。

虞翻注。閑。鄭云。習也。釋文。荀爽

曰。初在潛位。未干國政。閑習家事而已。

集解

六二无攸遂在中饋

鄭云。二為陰爻。得正於內。五陽爻也。得正於外。猶婦人

自修正於內。丈夫修正於外。无攸遂。言婦人无敢自遂

也。李衡周易義海撮要引魏徵曰。從子從夫。无所遂志。爻體離。又互體坎。火位在

下。水在上。飪之象也。饋。食也。故云在中饋也。後漢書楊震傳。王符

傳案。晉書天文志。胃三星。天之廚藏。主倉廩五穀府家。

人六二值之中饋象。

六二辰在酉上值胃。

或曰饋饋祭也。古文

論語曰詠而饋。舊注饋祭也。周禮遵人饋食之饋。注云

饋祭名也。

案文選祭顏光祿文注引蒼頡吳謂食為餽祭鬼亦為餽古文通用讀與饋同。案上

六離爻上值柳。石氏曰柳主尙食和滋味。故置天稷以

祭祀。

開元占經

又上值張。天官書曰張嚆為廚。張附星有天

廟。甘氏讚曰天廟祭祀示民不忘。

開元占經

二居下中。中饋

象也。

案周易述云昏者將合二姓之好。上以事宗廟是饋祭為婦職。故云在中饋。

九三家人嗃嗃悔厲吉婦子嘻嘻終吝

三五離辰在午上值七星附星軒轅。郊萌曰軒轅星舍

為百二十妃。大小相次。后宮多子孫。開元占經家人婦子象

也。馬庚吉云九三辰在辰上值亢四星為天子象。鄭云。噶

之內庭。又為天子之宿宮。故有家人婦子象。鄭云。噶

噶苦熱之意。案釋文劉表噶作矯。張惠言云鄭亦當作此矯字。

六四富家大吉

四辰在丑。得艮氣。艮為居。虞翻坤又為多。虞翻謙為厚。

虞翻上故稱富家。四得位應初。順五乘三。比據三陰。故

繫注。家人下體離。六四又互離。上值與柳莊存與云。與

大吉。與也。柳與之飾也。衣裳文繡布帛金玉有馬有兵

胥積於此。富家大吉。積而能散。則庶乎盈且實矣。

九五王假有家

九五坎爻位近于上。值紫微垣天皇大帝。

開元占經引甘氏讚曰天

皇大帝。秉萬神圖。

故稱王。張衡靈憲曰。紫宮為皇極之居。

開元占經

故云王假有家。假。鄭云登也。

釋文

案詩雲漢昭假無羸箋云假登也。書呂刑庶

有格命。鄭注格登也。

上九有孚威如

上九辰在戌。得乾氣。乾為信。

虞翻大有上九注

故有孚。乾又為

威。

虞翻下為嚴。

虞翻遲象注

故威如。

睽

初九 喪馬勿逐自復見惡人无咎

初九震爻辰在卯。上值房。史記天官書房爲府曰天駟。

索隱曰爾雅云天駟房也詩汜厯樞云房爲天駟主車駕宋均云房既近星爲明堂又別爲天府及天駟也。

故稱馬初動而上舍我而去故云喪然四與初本同德。

他無正應姑聽其去勢必復來。柴誓所謂馬牛其風臣

妾逋逃毋敢越逐祇復之也。趙彥傳曰初四敵應四

互坎辰在子。上值危附星天駟。史記天官書曰漢中四

星曰天駟。索隱曰元命包云漢中四星曰駟也。故說卦云坎其於馬

也爲美脊。爲亟心。爲下首。爲薄蹄。爲曳。四失位之正。入

坤為喪。

注虞翻

坎象不見。故喪馬。

九四辰在午。得離氣。

離為惡人。

注虞翻大有初九注

又為見。

注虞翻

初與在四。不得見。

故見惡人。无咎。

九二遇主于巷无咎

二動體震為主。

注虞翻

辰在卯。上值紫微垣帝星。晉志曰。

北極第二星主日。帝王也。故稱主。

馬庚吉云九二辰在寅。上值南斗。斗為丞

相太宰之位。主褒賢進士。故睽九二日遇主于巷。

二升五降。故云遇。遇者穀梁

傳云。志相得也。或云委曲相求。非是。巷。廣雅云。道也。

爾雅釋宮。宮中巷謂之壺。案二坎爻辰在子。上值營室。

漢書外戚傳曰營室者天子之後宮也。二又得艮氣。艮爲徑路。說卦宮中徑路。故稱巷。二變得正。故无咎。

六三見輿曳其牛掣其人天且劓无初有終

六三辰在亥。上值危附星車府。故象輿曳。說文云曳曳也。束縛捽挫爲曳。三又兌爻。辰在酉。上值昴附星天苑。

黃帝占曰天苑主苑牧犧牲牛羊之屬。開元經掣鄭本作

挈云牛角皆踊曰挈。釋文柳榮宗云爾雅釋畜云角

角皆踊則六三爲輿曳之者九四也。其人指四。卽初所

謂見惡人者。惡人蒙罪以刑正之。兌上值胃附星月。甘

氏讚曰。月明刑度。

開元占經

五刑有黥劓之法。馬融云。剗鑿

其額曰天。

釋文

剗與黥同。鄭注司刑曰。劓。截其鼻也。初失

位。故无初。變得正。故有終。

九四睽孤遇元夫交孚

孤釋名云。顧也。顧望無所瞻見也。四在兩陰間。睽五顧

三。故曰睽孤。初震爻。震爲元夫。

虞翻注

四與初敵應。然四

陰位。初陽位。故四以初爲夫。初辰在子。上值女。甘氏曰。

將有嫁娶之事。占於須女。

開元占經

故遇元夫。三五互坎爲孚。

虞翻泰九三注

四與初交。故交孚。

六五 厥宗噬膚

宗謂宗室也。六五離爻辰在午。上值張。隋志張主天廚飲食賞賚之事。又值柳附星酒旗。文獻通考五星守酒旗。天下大酺。有酒肉財物之賜。及爵宗室。坊記曰。因其酒肉聚其宗族。以教民睦。睽五象之。

上九 見豕負塗載鬼一車。先張之弧。後說之弧。

匪寇婚媾。往遇雨則吉。

上九辰在戌。錢大昕曰。戌上值奎。奎爲封豕也。

潛研堂文集

案御覽六天部樂汁圖曰奎天豕也。

論衡物勢戌土也。上據坎爲雨。

虞翻注

土得雨為泥塗。

釋名塗杜也。杜塞孔穴也。

四動艮為背。

虞翻比彖傳注

故云

見豕負塗。奎附星有王良。荊州占曰王良或占車騎。

開元

占車以載物者也。上九又艮爻。鄭云艮為鬼門。

觀彖注

故

云載鬼一車。

上應在三。六三兌爻。上值昂附星天弓。

天弓即參旗。

郊萌曰天弓主司兵弩之事。

開元占經

故有張弧之

疑。徐文靖云周禮云冥氏掌設弧張。賈公彥疏曰弧弓也。謂張弓以取猛獸。庭氏掌射國中之妖鳥。若不見

其鳥獸則以救日之弓。與救月之矢。射之。鄭氏注曰不見鳥獸。謂夜來鳴呼為怪者。

說弧之弧。鄭

作壺。

釋文上九艮爻位近丑。上值斗。鄭注坎六四樽酒簋

貳云丑上值斗。可以斟之象。斗壺類也。

阮湛三禮圖曰方壺受一斛腹

圓足口方。圓壺受一斛。腹方。足口圓。惠士奇云。昏禮設通。說尊是為壺尊。

楊子大元曰。家无壺。婦承之姑。測曰。家无壺。無以相承也。設壺尊者。婦承姑之禮。相敬如內賓。睽而合矣。四

體坎為寇。虞翻注。三與上應。而四阻之。故為寇。然陰陽相

應。睽志將通。故匪寇婚媾。坎辰在子。上值女。史記正義曰。須女主布帛裁置嫁娶占。婚媾象也。上往三而遇坎雨。三上易位。坎象不見。陰陽和合。得正故吉。

蹇

初六往蹇來譽

初失位應陰。往歷乎坎。坎為蹇。虞翻蹇六二注故往蹇。譽謂二也。辰在酉。得兌氣。兌為言。鄭康成說卦注又為口助。繫辭右者助也。虞翻注云兌為口。譽象初變得位。陽與陰比。故來譽。口助稱右。

六二王臣蹇蹇匪躬之故

二離爻。位近午。上值星。附星天相。晉書天文志。天相承相之象也。故云王臣。五體坎。二又互坎。坎為蹇。虞翻重坎。故蹇蹇。二志在王室。不有其躬。故曰王臣蹇蹇。匪躬之故。

九三往蹇來反

張惠言云。朋之來在三矣。往猶蹇爾。來反靖其內焉爾。
案九三辰在辰。上值亢。海中占曰。亢星明大。輔臣納忠。
開元占經故往蹇來反。

六四往蹇來連

四在兩坎間。故往蹇。連。鄭云。遲久之意。釋文案詩皇矣。執
訊連連。傳連徐也。四退初而介三。初得坤氣。坤為徐。虞翻
困九故來連。
五注

九五大蹇朋來

九五當位正邦。故大蹇。虞翻五辰在申。得坤氣。坤為朋。

虞翻泰九二注故朋來。

上六往蹇來碩

陰在險上。變失位。故往蹇。上應在三。三辰在辰。上值亢。

海中占曰。亢星明大。輔臣納忠。見九三爻其濟險也功大矣。

故曰往蹇來碩。

解

初六无咎

初六辰在未。得坤氣。坤爲過。虞翻益象注有咎象。初四易位。

故无咎。

九二田獲三狐得黃矢

九二辰在寅。上值箕。張錫智云。箕為天狐。案開元占經引石氏曰。箕

一名天狐。主狐貉。故象狐。干寶未濟注云。坎為狐。說文云。狐。藏獸。鬼所

乘。坎為隱伏。故為狐。坎辰在子。上值室。附星入魁。通志。入魁。主張

捕禽獸之官也。室上又有天綱。通志。天綱主武帳。天子

游獵之所會。卦有兩坎。二四正坎。三出又為坎。故田獲

三狐。二互離為矢。馬融晉六五爻注。又為黃。鄭康成易通卦驗注。故云得

黃矢。九二得艮氣。九家說卦。艮為狐。三體離。矢。四體艮。狐以矢貫狐。故云獲。三之五。歷艮三爻。故獲三狐。

六三負且乘致寇至

二變時艮爲背虞翻比故云負。三辰在亥。上值危附星

車府。車惟君子乘之。繫辭云。負也者。小人之事也。乘也

者。君子之器也。小人而乘君子之器。盜思奪之矣。故致

寇至。解下體坎。辰在子。上值元枵之次。莊存與云。土虛而民耗。盜之象見矣。解之三曰。負且乘。致寇至。傳

曰。盜之招也。

九四解而拇。朋至斯孚。

初六辰在未。得坤氣。坤爲母。卦說拇母同物。惠棟云。初爲

四拇。與初易位。故解而母。而小爾雅廣詁云。汝也。朋。

謂二。二辰在寅。得艮氣爲友。虞翻兌二之五成坎。爲信。

乾鑿度 故朋至斯等。

六五君子維有解吉有孚于小人

九二辰在寅得艮氣艮為君子。虞翻萃上六注二升五降賢人

進而不肖者退故曰君子維有解吉有孚于小人

上六公用射隼于高墉之上

錢大昕云已上值翼翼為羽翮有隼象也。潛研堂文集

家曰隼鷃鳥也今捕食雀者史記律書翼公謂三也

者言萬物皆有羽翼隼有羽翼故翼有隼象

三辰在亥上值紫微二分爻上值畢附星參旗石氏星

經曰參旗九星在參畢間一曰天弓。太平御覽故云射墉馬

融云城也。釋文三上值少微長垣。巫咸曰長垣四星城邑

相包。開元占經故曰射隼于高墉之上。

損

二簋可用享

鄭注四以簋進黍稷於神也。初張惠言云初與二直其字誤當為三。

四與五承上。故用二簋。四巽爻也。巽為木。五離爻也。離

為日。日體圓。木器而圓。簋象也。考工記旗人疏經言拾遺引周禮疏云外神

用瓦簋。宗廟當用木。惠棟云張惠言云二簋用享同

五離爻。離為火。火數二。故二簋。張惠言云二簋用享同

姓之祭祀。又云上艮為鬼門。爻辰在戌。乾祭為父。土祭

一廟之象。上卦本象天子。今以艮居之。艮少男。居天子之家。故爲同姓也。周易鄭荀義案。損兌下艮上。兌近西。上

值胃附星天廩。張衡云。天廩主蓄黍稷以供享祀。春秋

所謂御廩也。

文獻通考

艮近丑。上值斗。鄭於坎卦尊酒簋貳

注云。斗之上有建星。建星之形似簋案。斗二十五度。天

廟也。荀氏曰。簋者。宗廟之祭。

集解

明堂位云。周之八簋。公

食大夫禮云。設黍稷六簋于俎西。簋或八或六。而稱二

者。三禮圖。簋盛稻粱。簋盛黍稷。從損故也。

初九已事遄往无咎酌損之

已虞翻云舊作祀云祀祭祀。坤為事。謂二也。惠棟云子思論詩云於穆不已。孟仲子云。案初九辰在子。上值虛危。春秋佐於穆不祀。已與祀通。助期曰虛危為禮堂。北堂書鈔祀事而云酌損者。所謂曷之用。二簋可用享也。造釋詁速也。酌與勺同。說文取也。

九二利貞征凶

二失位。當之正。故利貞。九二辰在寅。得艮氣。艮為止。鄭康成說當止而進。故征凶。

六三三人行則損一人。一人行則得其友。

六三辰在亥。得乾氣。乾為人。虞翻履又為行。虞翻繫三

爻爲三人。故云三人行。乾三之上。故損一人。陽在上。陰在下。上據坤。應兌。兌爲友。注虞翻故得其友。

六四損其疾使遄有喜

六四巽爻。辰在辰。上值亢。史記天官書。亢主疾。又石氏

云。國有疾。占在亢。

開元占經

潛夫論曰。凡治病者。必

方。故疾可愈。而壽可長也。爲國者。必先知民之所苦。禍之所起。然後設之以禁。則姦可塞。國可安矣。案六

四以柔居柔。得初九之陽。以爲應。故損其疾。

六五或益之十朋之龜弗克違

六五辰在卯。上值尾。附星龜五星。黃帝占曰。龜星讚神。

明開元占經鄭引爾雅云十朋之龜者一曰神龜二曰靈龜

三曰攝龜四曰寶龜五曰文龜六曰筮龜七曰山龜八

曰澤龜九曰水龜十曰火龜禮記禮器疏初九之四下體變坎上體

變離以離承坎雜卦離為龜坎位元武亦為龜以坎中

之實補離中之虛坎變坤坤之數十又為朋故曰或益

上九 利有攸往得臣无家

上九辰在戌得乾氣乾為利虞翻繫下注又為行虞翻繫下注故

利有攸往 上九艮爻位近丑上值斗甘氏曰南斗星

明大將相同心開元故云得臣无家賈誼所謂為人臣

者國而忘家也

益

初九利用爲大作

侯果曰大作謂耕植也。集案初九震爻震爲稼穡又爲

大作。注侯果震辰在卯上值房房爲農祥周語曰農祥晨

正韋註農祥房星也房星晨正而農事起故利用爲大

作。

六二或益之十朋之龜弗克違永貞吉王用享于

帝吉

六二或益之十朋之龜。謂上從外來益初也。初九辰在子。上值元枵之次。女虛危屬之。石氏云。北方元武七宿。女。龜象。虛危。皆龜蛇蟠糾之象。文獻通考蔡邕月令章句曰。天官五獸之於五事也。左有蒼龍大辰之貌。右有白虎大梁之文。前有朱雀鶉火之體。後有元武龜蛇之質。中有大角。軒轅麒麟之信。太平御覽六故云或益之十朋之龜。詳見損六五。黎世序云。二為下卦之主。爻變與損同。上本乾體。下本坤體。乾先以四之初。再以上之三。於是下體變離。上體變坎。再以坎合離。坎元武為龜。坤為朋。坤之數十。故曰或益之十朋之龜。張惠言云。益巽上震下。震帝東方初九爻辰在子。上值虛危。宗

廟之宿是感生木德之帝也。二坤爲牛。五以二享初。故曰王用享于帝。周易鄭荀義

六三益之用凶事。无咎。有孚中行。告公用圭。

民飢爲凶。周禮以委積待凶荒。以荒禮哀凶札是也。六

三兌爻辰在酉。上值胃。甘氏曰。胃動有輸運之事。開元占經

故曰用凶事。毛西河云。凡王者憂凶之禮。出鎮圭以致

王命。使恤凶之地。或去其征。或弛其政。原註周禮珍圭以徵守以恤凶

荒。註珍作鎮。王使人徵諸侯。憂凶荒則授之以致王命。此卽益下之最變而最厚

者。凶事必信民。故奉信圭以作信使。原註禮曰大夫執圭而使所以申信

也。又君用圭以通信。案三公位辰在亥，得乾氣，乾爲主。虞翻注故告公用圭。

六四 利用爲依遷國

六四辰在丑，上值女附星十二國。詳見屯遷釋詁云：徙也。

古者遷國以益下，必有所依，然後能立。左氏隱五年傳曰：我周之東遷，晉鄭焉依。盤庚曰：視民利用遷，是其證也。

九五有孚惠心 有孚惠我德

周書諡法解曰：愛民好與曰惠。九五辰在申，上值井附

星天罇。晉書天文志。天罇主盛饘粥。以給貧餒。故有惠

象九五坎爻。坎為信。乾鑿度注又為心。九家明夷六四象注故有孚惠

心。有孚之施於下者。在我為心。自下之受此施者。目

之為德。九五得坤氣。坤為我。虞翻注故曰有孚惠我德。

上九 立心勿恆

上動成坎。坎為心。見九五爻上辰在戌。得乾氣。乾為立。虞翻

注故曰立心。上體巽為進退。為不果。說卦故勿恆。

夬

夬揚于王庭

鄭云。五互體乾。乾爲君。又居尊位。王庭之象也。乾長在

室。開元占經引北宮候曰。營室。大人之宮。晉揚越也。陰書天文志。營室二星。天子之宮也。故曰王庭。揚越也。陰

爻越其上。小人乘君子。罪惡上聞于聖人之朝。故曰夫

揚于王庭也。集解

初九 往不勝爲咎

初九辰在子。得坎氣。坎爲謀。虞翻訟坎上值女。附星河

鼓。黃帝占曰。河鼓星曲。失計奪勢。開元占經故云往不勝爲

咎。孫子曰。未戰而廟算勝者。得算多也。未戰而廟算不勝者。得算少也。

九二惕號。莫夜有戎。勿恤。

惕廣雅云懼也。二以陽居陰，故惕。二變成巽，為號令。陸績

巽象傳注：辰在巳，上值北斗。文獻通考：北斗象號令之主，故

惕號。九二又坎爻，坎為夜。干寶豐彖注莫鄭云：無也。無夜，非

一夜。釋文坎位在子，上值室。黃帝占曰：營室三軍所立，外

有羽林以衛帝。開元經大象列星圖曰：羽林四十五星，三

三而聚在壘壁南，主天軍。太平御覽故有戎，坎為加憂。虞翻

泰九恤象，坎得正，故勿恤。二軌成離，辰在午，上值七星

三注晉書天文志：七星主急兵，故

九三壯于頄，有凶。君子夬夬獨行，遇雨若濡，有愠。

无咎

頤。鄭作頤。云夾面也。釋案。上九辰在戌。得乾氣。乾爲首。

說卦頤在乾首之前。頤指上。三往壯上。故凶。荀爽云。九

三體乾。乾爲君子。三五同功。二爻俱欲決上。故曰君子

夫夫獨行。謂一爻獨上與陰相應。爲陰所施。故遇雨也。

雖爲陰所濡。能愠不悅。得无咎也。集案。上兌爻。兌爲雨。

虞翻繫辰在西。上值畢。甘氏曰。畢主街巷陰雨。天之雨

師也。文獻通考史記正義曰。月宿畢則多雨。詩。月離于畢。其

證也。上雨而三遇之。有如濡然。濡漬也。詩。濟盈不濡軌。毛傳。

九四臀无膚其行次且牽羊悔亡

九三辰在辰得巽氣為股。卦說四在三上故象臀。易例陽

為脊。陰為膚。四本陰位以九居之故无膚。次且鄭作趣

起。釋文九四辰在午上值柳。南宮候曰柳其物羊豕。開元

占四變與初應故初牽之得位故悔亡。

九五莧陸夬夬

莧陸鄭云商陸也。釋文思士奇云爾雅謂之蓬莧草。廣雅謂之馬尾其物有毒陽中之陰

其味酸辛其形類人用以案上六兌爻位近酉上值畢

療水其效如神上陰象之附星天園晉書天文志天園植果菜之所也故象莧陸。

莫陸喻陰陽息大壯已決五成夬又欲決上故夬夬

孟喜莫作莫云陸獸名夬有兌兌爲羊也路史注項

音九山羊也陸其所行之路也猶鴻漸于陸之陸兌爲

羊在上卦有山羊之象困學紀聞案說文莫山羊細角

也從兔足苗聲讀若九寬字從此徐偕

案本草注莫羊似羴羊角有文俗作羴案兌辰在酉上

值昴附星天苑文獻通考天苑主馬牛羊故象羊且四

言牽羊五言山羊事亦相類義或然也

上六无號終有凶

上六辰在巳上值紫微垣北斗元命包曰斗爲帝命出

號布政開元占經上六又得巽氣巽爲號令陸績巽卦无巽

彖傳注

象故无號位極乘陽故有凶。

姤

初六繫于金柅 羸豕孚蹢躅

柅子夏傳作鐏。

釋文

絡絲趺。

姚氏易學云說文篋收絲者也。尿篋柄也。或從木尼聲。然

則柅即尿絲繫於篋篋制於柅。

案柅謂九二也。二坎爻辰在子。上值女。

石氏曰須女絲物所寶藏。

開元占經

絡絲必用金柅。二互乾

爲金。

說卦

初體巽爲木。

說卦

巽木入金故曰金柅。初繫于二。

故曰繫于金柅。

易疏引馬融云柅者在車之下。所以

止輪令不動者也。

徐位山云考工記輪人爲輪五分其轂之長去一以爲賢去三以爲軻。鄭

司農云賢大穿也。軹小穿也。元云大小穿皆謂金也。今大小穿金厚一寸則大穿穿內徑四寸五分寸之二小穿穿內徑二寸十五分寸之四。案二坎爻辰在子上值金。梃在車下。當卽謂此物也。

危附星車府梃以止車。初繫于二。故云繫于金梃。初

六辰在未。上值柳。南宮侯曰。柳其物羊豕。開元占經故象豕。

初巽爲繩直。說卦以繩繫豕。故曰羸宋衷曰。羸大索。所以

繫豕者也。巽爲股。又爲進退。股而進退則蹢躅矣。初應

於四。爲二所據。不得從應。故不安矣。體巽爲風。動搖之

貌也。集解徐文靖云。小雅有豕白駒。烝涉波矣。謂此也。

九二包有魚无咎不利賓

鄭氏爻辰補

卷三

三

初體巽為魚。

李鼎祚中孚象注

故象魚。九二坎爻辰在子。上值

紫微垣天廚。晉志天廚主盛饌。故庖有魚。

虞注或以賓包為庖也。

謂四也。九四辰在午。上值張。石氏曰。張主賜賓客。

開元占經

史記天官書曰。張嗉為廚。主觴客。

正義曰。張六星。六為嗉。主天廚飲食賞賚。

觴客。今魚為二有。不及四。故不利賓。

九三臀无膚其行次且

九三辰在辰。得巽氣。李鼎祚云。巽為股。三居上臀也。爻

非柔無膚。行次且也。案巽為進退。為不果。

卦說故其行次

且。次且。鄭作趑趑。

釋文

九四包无魚

九四辰在午。上值柳。晉書天文志。柳八星。天之廚宰。故稱庖。巽初之魚。爲二所有。四賓不及。故无魚。詳見二爻或云四

震爻郭璞曰。魚者。震之廢氣。震辰在卯。上值尾。附星魚。星通志云。魚主陰事。知雲雨之期。大明則陰陽和。風雨時暗。則魚多亡。九四失位。故无魚。

九五以杞包瓜。含章有隕自天。

四變體巽爲杞。

虞翻注。

鄭云。杞。柳也。

釋文。

九五坎爻。辰在子。

上值女。附星匏瓜。星官訓曰。匏瓜。天瓜也。性內文明而有子。美盡在內。開元占經。文獻通考。匏瓜。主果食。故云以杞。

與曰多辰利

三

匏瓜。易疏引子夏傳作杞。匏瓜又引薛虞記云杞。杞柳也。杞性柔韌。宜屈撓。以匏瓜又為杞柳之柳。張惠

言易義別錄云。依記文則九五辰在申。得坤氣。坤為文。經字當作匏。義仍與苞同。

說卦初四易位體兌口。故云含章。隕爾雅釋詁云落也。四

互乾為天。說卦四隕之初。故有隕自天。

上九姤其角

解見晉上九

萃

王假有廟。利見大人。亨利貞。用大牲吉。

錢大昕曰。六三辰在亥。上值營室。營室為清廟。萃之彖

辭曰王假有廟謂六三也。

潛研堂文集

陸績云王五廟上

也王者聚百物以祭其先諸侯助祭於廟中言五親奉

其上矣。

集解

案乾鑿度曰上為宗廟辰在巳上值張附星

天廟文獻通考天廟天子祖廟也故云王假有廟

鄭

云二本離爻也離為目居正應五故利見大人矣又云

大牲牛也言大人有嘉會時可幹事必殺牛而盟既盟

則可以往故曰利往。

集解

案萃下體坤為牛。

說卦

辰在申上

值畢附星天囷郊蒔曰天囷中句曲小星明苑馬牛羊

皆善。

開元占經

故象牛四之三折坤得正故用大牲

君子以除戎器戒不虞

鄭云。除去也。釋文。張惠言云。萃兌上坤下。坤為地。兌秋為

刑威。九五正位於上。爻辰在申。上值參伐。故象以九伐

之法正邦國。象曰。君子以除戎器。戒不虞。以卦无次象。

故但言戎而已。周易鄭荀義申又上值井附星鉞。莊存與云。

史記云。傷成鉞。案史記注。晉灼曰。賊傷之占。先成形於鉞。索隱曰。傷成鉞者。傷敗也。言王者敗

德亦先成形於鉞。以言兩戒為天下之防。萃之除戎器。

有敗亂則有鉞誅之形。戒不虞乎。味經齋遺書

初六有孚不終乃亂乃萃若號一握為笑

孚謂五也。初四易位。五坎中。故爲孚。初六辰在未。得坤

氣。坤爲終。鄭康成通卦驗注。初失位宜變。故不終。坤爲亂。九家

六爻注。未上值井。又爲萃。虞翻本卦史記云。禍成井。故亂。六三注。故乃亂。乃萃。握

鄭讀爲夫。三爲屋之屋。文釋。蜀才從之。張惠言云。萃用大

牲。天子將有征討。此當言軍賦之法。坤爲土田。三爻象

三家同升。故初爲坤之一屋。上地家七人。可任也者。家

三人。凡起徒役。無過家一人。初一爻是家一人之法也。

若號一握爲笑者。言王將有征討。簡除戎器。令於夫屋。

民皆歡笑。則可以萃眾治之也。

六二 孚乃利用禴

鄭曰禴夏祭名。文釋周禮宗伯所謂以禴夏享先王也。六

二離爻離南方為夏故宜禴祭。離辰在午上值張附星

天廟甘氏讚曰天廟祭祀示民不忘。開元占經二孚於五故

孚乃利用禴。

六三萃如嗟如无攸利

六三體坤為民眾。虞翻師象注故萃如三應在上上體兌辰

在酉上值昂附星卷舌晉書天文志卷舌六星在昂北

主口語三上無應故嗟如三辰在亥得乾氣乾為利。虞翻

繫下失正故无攸利。

九四大吉无咎

九四辰在午。上值紫微垣文昌。黃帝占曰。文昌第五星爲司中。主司過詰咎。開元占經四以陽居陰。宜有咎矣。動而得正。承五應初。故大吉无咎。

九五萃有位

九五坎爻。位近子。上值紫微垣天皇大帝。黃帝占曰。天皇大帝。名耀魄寶。主天子象。開元占經五得位居中。上下皆聚而歸之。故萃有位。

上六齋咨涕洟

鄭云。齋咨。嗟嘆之辭也。自目曰涕。自鼻曰洟。

釋文引案

融云。齋咨。悲聲。怨聲。鄭用馬義。

案上體兌爲口。

卦說

故齋咨。

解詳

三之四

體坎。辰在子。上值虛。却萌曰。將有哭泣之事。則占於虛。

開元占經故涕洟。

升

用見大人

升下體巽。辰在辰。莊存與云。天門進賢。

開元占經引甘氏曰。天門待客。

應對無疑。又云。進賢卿相舉逸才。

升之見大人也。

南征吉

徐文靖云。巽東南在辰。坤西南在未。離正南在午。由巽而升於坤。則必由東南而正南。而西南所征之地。皆在於南也。南是陽明之方。故以爲征吉。

初六允升

說文本部。𨔵字注云。進也。下引此經作𨔵升。張惠言駁之云。升主九二上升。餘爻無升義。初雖失位。三正成泰。進无所往。非卦義也。柳榮宗云。說文訓𨔵爲進。字之本義也。引易作𨔵。古文之假借也。則𨔵與允通。初辰在未。

得坤氣。坤土爲信。虞翻晉六三注故云允升。

九二字乃利用禴

九二坎爻。坎爲信。乾鑿度辰在子。上值虛。石氏曰。虛主廟

堂。主祭祀。主祀禱之事。開元占經二升五。四降初。坎變離。離

於南方爲夏。鄭萃二注云。禴。夏祭名也。

九三升虛邑

六五離爻。辰在午。上值少微長垣。巫咸曰。長垣四星。城

邑相包。開元占經邑云虛者。荀九家云。坤稱邑也。五虛无君。

利二上升之。謂三升。二陽升五。故曰升虛邑。集解

六四王用亨于岐山

六四辰在丑。得艮氣。艮爲山。

卦說

四又互兌。辰在西。上值

大梁之次。分野屬冀州。

元命包曰。畢昴間。爲天街。散爲冀州。

案禹貢云。冀

州旣載。又云。壺口治梁及岐。爾雅釋山曰。梁山。晉望也。

諸侯三望。天子四望。明梁山岐山。皆冀州之望。亨。鄭云。

獻也。

釋文

王惠棟云。夏后氏也。

案哀六年春秋傳。仲尼曰。夏書曰。惟彼陶唐。帥彼天

常。有此冀方。服虔解誼云。堯居冀州。禹夏因之。故王謂夏后氏。

六五貞吉升階

荀爽云。五正居中。爲陽作階。使升居五。已下降二。與陽

相應故吉而得志也。

集解釋名階梯也。如梯之有等差也。

案六五離爻。

辰在午。上值紫微垣內階。合誠圖曰。內階星主明堂。

開元

占鄭樵通志曰。內階。天皇之陛也。明吉。故云貞吉升階。

上六冥升

上六辰在巳。上值北斗。石氏曰。北斗第一星主日。

開元占經

日中則昃。故云冥升。

困

初六臀困于株木。入于幽谷。三歲不覿。

九家易曰。臀。謂四株木。謂三也。

集解李鼎祚云。易例初為趾。二為腓。三為股。

四為腎。釋名腎。殷也。高厚有殷逆也。案六三辰在亥。得乾氣。乾為老。虞翻

大過九三互巽為木。說卦。木老則枯。株木。枯木也。六三又

兌爻辰在酉。西方屬金。兌金傷木。故株為枯。初失位。應

在四。四困于三。故腎困于株木。九家易曰。幽谷。二也。

集案。九二坎爻辰在子。論衡譏曰。子之性水也。說文。谷

字下云。泉水出通川為谷。坎為隱伏。說卦。又為入。虞翻坎

故曰入于幽谷。坎為三歲。虞翻豐上六注。上之二成坎。坎陽入

陰而弇于三。故曰三歲不覿。

九二困于酒食。朱紱方來。利用亨祀。征凶。

鄭云二據初辰在未未為土此二為大夫有地之象張惠

言云二據初者初陰為臣爻辰在未坤為土是亦有地之一象未上值天廚易漢學注

柳為朱鳥喙天之廚困于酒食者采地薄不足己用也

宰主尚食和滋味徐文靖經言拾遺引此注云二與日為體離為鎮霍爻

今解困于酒食者皆當從之二與日為體離為鎮霍爻

四為諸侯有明德受命當王者離為火火色赤四爻九

辰在午時離氣赤又朱也文王將王天子制朱黻儀禮疏

惠棟案鄭此注本乾鑿度姚鼐惜抱軒九經說古者

染赤一染謂之纁再染謂之纁三染謂之纁朱之色近

纁蓋四入也毛詩曰我朱孔揚為公子裳毛傳以為朱

深纁也天子諸侯以深纁為裳及芾故禮曰韠君才詩

之斯干及采芻皆曰朱芾斯皇是也卿大夫之芾纁祭

服纁裳則芾同之自朱至纁皆謂之赤自天子至於大

夫再命以上者皆謂之赤芾。白虎通曰：謂朱黃亦赤矣。詩曰：赤芾金舄。赤芾在股，言諸侯也。其赤，朱也。禮曰：再命赤芾幽衡。三命赤芾蔥衡。言卿大夫也。其赤，纁也。易曰：朱紱方來，猶禮言鞶君朱者也。困于赤紱，猶禮言再命三命者也。九二坎爻位近子。上值虛危，石氏曰：虛危主廟

堂。

開元占經

又值營室。史記天官書曰：營室爲清廟，故利用

享祀。

九二辰在寅，得艮氣，鄭觀象注：艮爲鬼門，亦享祀象也。

艮上值斗。莊存與云：斗以褻賢進士，稟受

爵祿。且天廟也。古者嘗禘之事，發爵賜服，龍旂十乘，大糗是承，故其象曰：朱紱方來，利用享祀。天子祀上帝，諸侯會之，受命焉。主世而憂民者，惟大夫金車以載之。赤紱以章之，匪曰安榮之也。一民不出於困，馳驅而往焉。盛容服以親勞苦，命在養民。九二辰在寅，上值牛附星，能致之志，在行義能遂之矣。

天田羅堰九坎，莊存與云：物土之宜，而非戎車之利，先

王以是經井牧比民人時務農間講武困之二日征凶處之而荆棘生焉既罷而年穀不孰欲無困得乎

六三 入于其宮不見其妻凶

六三辰在亥上值營室漢書外戚傳營室者天子之後宮也三互巽爲入說卦上體兌爲妻陸績兌象傳注三上无應故入于其宮不見其妻凶

九四來徐徐困于金車

徐徐馬融云安行貌釋文金車謂二也何氏云九二以剛德勝故曰金車也九二坎爻辰在子上值危附星車府四欲之初中懸坎

險故困于金車。吳台文云九四震爻辰在卯上值房石氏曰房主車駕。開元占經昏禮諸侯親迎乘金車四與初有婚姻之道金車指四。

九五剋剛困于赤紱乃徐有說利用祭祀

剋剛鄭注云當為倪伋不安也。釋文荀陸作輓輓案云不安貌義與鄭同

五辰在申得坤氣坤為安。虞翻繫下注二未變應五五无據

无應故不安。四爻辰在午時離氣赤。鄭九二爻注故云赤

紱四為諸侯諸侯赤紱五為四困故困于赤紱。五互

巽辰在巳上值紫微垣天理合誠圖曰天理在斗中如

人喉在舌。以理舌語。開元占經故有說。坤爲徐。虞注五二

動應五。故乃徐有說。利用祭祀。與九二解同。

上六困于葛藟

六三兌爻。上值畢附星天園。甘氏讚曰。天園草實。菜茹

蓄儲。開元占經故有葛藟象。徐文靖云。詩。樛木。疏曰。藟與葛

巨。族似燕薺。亦延蔓生。是二種也。上本與三應。今三不應上。故困于葛

藟。

鄭氏爻辰補卷四

丹徒戴 棠著

井

改邑不改井

莊存與云。太微治朝也。紫宮路寢也。紫宮象坎。太微象巽。其卦曰井。井之繇曰。改邑不改井。五帝更王。不常厥邑。而其長民也。若網在綱。而不紊。以常舊服。正法度焉。

味經齋
遺書

初六井泥不食舊井無禽

初六辰在未上值井鬼柳。春秋合誠圖曰。東井主水衡。

北堂書鈔食用也。注廣翻。井在初下。故稱泥下而多泥。故不食。

井爲鶉首之次。鬼柳爲鶉火之次。史記天官書曰。柳爲

鳥注。主草木。以柳次井後。明井上有樹木。禽鳥來食也。

然初與四無應。舊井壞而不治。其側無木果樹之。亦無

禽鳥來食矣。故無禽。惠士奇云。五祀門戶。中霤井竈。

白虎通。戶以羊。竈以雉。中霤以豚。門以犬。井以魚。魚爲

川禽。故稱禽。案初辰在未上值鬼。南宮候曰。與鬼者。天

廟主神祭祀之事。開元占經廢井無人祀之。故无魚。言不食。

者亦不祭也。

九二井谷射鮒甕敝漏

鄭注九二坎爻也。坎為水下直巽生一。張惠言云當為九三艮爻

也。艮為山山下有水必因谷水。胡本多一水字。所生魚無大魚。

但多鮒魚耳。言微小也。經言拾遺陸氏釋文曰鮒魚名廣雅云鮒一名鱖今之鮒也文

選雖復臨河而釣鯉無異射鮒於井谷用之。夫感動天地此魚之至大射鮒

井谷此魚之至小故以相況。文選左大冲吳都賦注射厭也甕停

水器也。釋文作甕云及甕說文案九二辰在寅上值尾附星魚

星。開元占經引黃帝占曰魚星一名據星。一日蒙星。忽然不明而星在則魚多星亡則魚少。又引石氏曰魚

星大而明。故象鮒。又上值斗附星弁。鄭注坎六四尊酒則陰陽和。蓋貳用缶云。弁星之形似缶。甕瓦器。缶屬也。敝漏卽所謂羸其瓶者。劉成忠曰春秋言公矢魚于棠淮南子時則訓云天子親往射魚是古有射魚之法五辰在申上值畢附星參旗晉志參旗九星在參西一名天弓主司兵弩之張侯變禦難又值參附星天矢二應在五故云射鮒。

九三井渫不食爲我心惻可用汲王明並受其福

鄭云謂已浚渫也猶臣修正其意以事君

文選王仲宣登樓賦注

集解引荀爽曰渫去穢濁清潔之意也三者得正故案

曰井渫不得據陰喻不得用道既不行故我心惻

案

三艮爻辰在丑上值斗荊州星占曰斗主爵祿

北堂書鈔三

修治其身。宜大用於世。乃清不見亮。賢不見收。必有代
爲之恤者。故曰爲我心惻。五辰在申。上值紫微垣天
皇大帝。故稱王。五互離爲明。陸績暎彖傳注故曰王明。集解引荀爽謂
五可用汲三。則王道明而天下並受其福。九三辰又在辰。上值太微。莊存與
云。史記云。德成衡。案。史記索隱曰。德成衡。衡則能平。井物。故有德公平者。先成形於衡。井
以爲地。王明則並受其福矣。味經齋遺書

六四井甃无咎

井泰息卦。泰上體坤。辰在未。未爲土。虞翻注初之五成離。
離辰在午。午爲火。以火燒土。爲瓦治象。故曰井甃无咎。

易疏引子夏傳贊亦治也以
博疊井修井之壤謂之爲贊

九五井冽寒泉食

說文冽水清也井水在上故冽五坎爻坎爲寒泉虞翻注

辰在子論衡物勢子水也屬北方故寒九五辰又在申

上值井附星積水黃帝占曰積水者甘泉也開元占經井初

二變體噬嗑噬嗑食也雜卦故井冽寒泉食

上六井收勿幕

收馬融云汲也釋文謂以轆盧收緇也上六辰在巳得巽

氣爲緇虞翻注轆盧收緇泉自下出故井收勿幕巳上

值紫微垣北斗。莊存與云。井之上。收也。象應於斗。斟酌元氣。誥於四方。一闔一闢。其樞機乎。勿幕。言無私也。故以勞天下。味經齋遺書

革

初九鞶用黃牛之革

六二爲離主。鞶用黃牛之革。用二中順之德也。六二辰在酉。上值昴附星天苑。文獻通考。天苑主馬牛。羊二爲黃牛。而初固守之。故曰鞶用黃牛之革。集解引干寶云。鞶固也。離爲牝牛。離爻本坤。黃牛之象也。在革之初。而无應據。未可以動。故曰鞶用黃牛之革。

六二已日乃革之

二互巽辰在巳上值北斗天樞石氏曰北斗第一星主日。開元占經二與五應爲四所隔故已日乃革之。

九三 革言三就有孚

惠士奇云革言三就或說謂用刑凡卦有離者皆言刑。湯武革命大刑用甲兵也書曰五刑有服五服三就。大於原野。大夫周書曰五辭簡孚正于五刑又曰獄成而於朝士於市。孚此之謂三就有孚象曰又何之矣之猶讞也獄疑則讞言三就有孚又何疑也案九三辰在辰上值紫微垣

大理石氏星經曰大理為貴人牢又為執法之官。太平御覽
六故革言三就謂明刑。

九四 改命吉

四互巽為命令。陸績巽象傳注巽當已位。上值紫微垣北斗春

秋元命包曰斗為帝令。開元占經四失位故改命改亂命行

治命也。

九五大入虎變未占有孚

錢大昕云申上值參參為白虎也。文獻通考引石氏曰西宮白帝其精白虎

為七宿司毛蟲三百有六十五又得坤氣坤為虎坤位在西南未申

之間於天文參爲白虎。正當寶沈西方。詳見頤六四故云大

人虎變。九五坎爻位近子上值女虛危室。石氏星經

云女龜象虛危室壁皆龜蛇蟠蚪之象。文獻通考案龜主占

卜九五有孚斷之未占故曰未占有孚。

上六君子豹變

上六體兌又兌爻辰在酉上值胃昴畢。石氏曰婁胃昴

虎三子也。又云畢象虎。文獻通考陸續云兌之陽爻稱虎陰

爻稱豹。豹虎類而小者也。君子小於大人故曰豹變。集解

徐文靖云革上卦爲兌兌西方白虎之象故五上取象於虎豹

鼎

聖人亨以享上帝

張惠言云鼎離上巽下互乾兌九二乾爲君上九爻辰在戌戌又爲乾乾在上爲天在君之上而奉承之鼎於消息卦在午上值柳星之間太微五帝之位故曰享上帝。周易鄭苟義

初六鼎顛趾利出否得妾以其子

鄭云顛踣也趾足也無事曰趾陳設曰足爻體巽爲股初爻在股之下足象也足所以陳正鼎也初陰爻而柔

與乾同體。以否正承乾。乾爲君。以喻君。夫人事君。若失正禮。踣其爲足之道。情無怨。則當以和義出之。然如與而通。否者。嫁於天子。雖失禮。無出道。廢遠之而已。若其无子。不廢遠之。后尊如故。其犯六出。則廢之遠之。子廢。坤爲順。又爲子母牛。在后妃之旁。側妾之列也。有順德。子必賢。賢而立爲世子。又何咎也。御覽一百四十六案。初六爻辰在未。上值紫微垣。句陳。史記天官書曰。句陳四星。末大星。正如餘三星。後宮之屬。故稱妾。初又巽爻。辰近巳。上值太微垣。太子。晉志曰。北極五星。第一星主月。太子也。

左傳曰。太子以奉冢祀社稷之粢盛。以朝夕視君膳者也。妾本不宜居上。取其生子爲後。故待之以母道。所謂春秋之義。母以子貴也。

九二 我仇有疾。不我能卽。

九二坎爻。辰在子上。值女。甘氏曰。將有嫁娶。占於須女。

開元占經初爲四婦。二據四。故相與爲仇。鄭云。怨耦曰仇。釋文。

易漢上叢說云。鄭以九四爲九二。作仇。案國策。秦策高氏注。讎仇也。一切經音義九引爾雅。李氏注。讎怨之匹。是也。坎爲疾。故云有疾。惟有疾。故不我能卽也。

九三鼎耳革。其行塞。雉膏不食。方雨虧悔。終吉。

九二互兌辰在酉上值畢附星附耳。開元占經引春秋緯曰畢為邊界主

守備外國故立附耳以間不祥故象耳。毛西河云凡鼎既實則以鉉貫

耳而扛近食前儀禮所謂局鼎是也。若未實則撤鉉脫

耳。謂之耳革。又云漢五行志鼎以耳行耳革則行塞

鄭云雉膏食之美者。釋文案三辰在辰上值軫為鶉尾之

次。皇甫謐曰鶉尾一名鳥注九三又艮爻位近丑上值斗附星天雞

合誠圖曰天雞主候時。開元占經故象雉。上互兌辰在酉論衡物勢酉雞也說

卦兌為口三居口下故不見食三動成坎為雨。虞翻注辰在子上值危

附星天鉤禮含文嘉曰王者賜命諸侯皆如其德則陰

陽和風雨時

開元占經

故有雨象三互兌為毀折

說卦

故虧失

位故悔終復之正故吉

九四鼎折足覆公餗其形渥

鄭云鼎三足三公象

秋官司烜疏

案九四辰在午上值紫微

垣三師隋百官志曰三師不主事不置府僚蓋與天子

坐而論道者也故鼎四象之四震爻震為足

說卦

四上互

兌為毀折

說卦

故折足

鄭又云糝謂之餗震為竹竹萌

曰筍筍者餗之為菜也

此句見釋文云餗菜也

是八珍之食

天官

人

疏案午上值柳荊州星占曰柳為天廚

北堂書鈔

故有餗象

鼎足折。故公餗覆。言不勝其任也。形渥。鄭作刑。案

烜氏邦若屋誅。注云屋讀如其刑。劇之劇。劇誅。謂所殺

不于市。而以適甸師氏者也。蓋屋中刑之。故謂之劇。作

劇是也。掌戮云王之同族。與有爵者殺之於甸師氏。故

知屋中刑之。漢書敘傳。亦作劇。服虔云。周禮有屋誅。誅

大臣於屋下。不露也。引云臣下曠官。失君之美道。當刑

此亦作劇。義與鄭同。云臣下曠官。失君之美道。當刑

之于屋中。天官醢人疏。又案。午上值七星附星。內平。文

獻通考。內平。平罪之官也。故司刑。

六五鼎黃耳金鉉

五互兌。辰在酉。上值畢附星附耳。案附耳一星。在畢口

極七十七度。故象耳。鼎上體離為黃。虞注。故云黃耳。鉉。馬

入畢宿二度。故象耳。鼎上體離為黃。虞注。故云黃耳。鉉。馬

融云扛鼎而舉之也。釋文案鉉說文舉鼎具也。易鄭

曰金鉉喻明道能舉君之官職也。唐律疏議注案上九辰在

戌得乾氣乾爲金。說卦五與上比故金鉉。

上九鼎玉鉉

上九辰在戌得乾氣乾爲玉。說卦故曰玉鉉。集解引干寶

金者。惜抱軒九經說云陸德明釋文載徐邈音鉉古元反。又古冥反。又古螢反。按土昏禮設局鼎。注局今文作鉉。然則鉉卽局字異體。當以古冥反爲正矣。蓋宗廟尙文鼎局以木爲之。而其端或飾有金玉焉。故曰金局。

局玉

震

初九震來虩虩後笑言啞啞

鄭云虩虩恐懼貌啞啞樂也釋文案虩虩指四謂前震啞

啞指初謂後震易例上為前下為後震辰在卯屬春春秋

繁露陰陽義春喜氣也故為笑言

六二 億喪貝

千寶曰貝寶貨也集案六二離爻辰在午上值張晉志

張主珍寶故象貝鄭注十萬曰億釋文四變二互坤為喪

虞翻故億喪貝

六三 震蘇蘇震行无眚

蘇蘇鄭云不安也。

釋文案馬融陸績俱云恐懼不安卽恐懼也。

三辰在亥得

乾氣乾爲行。

虞翻繫下注。

震乾之初也故亦爲行三互坎爲

眚。

虞翻注。

三當下震之末而居互坎之初故震行无眚。

九四震遂泥

四之五變坤辰在未論衡物勢未土也四又互坎爲雨。

虞翻乾象傳注。

坤土得雨爲泥故震遂泥。

六五 億无喪有事

柳榮宗曰有事謂祭祀洛誥曰庶有事左傳云天子有

事于文武皆謂祭祀爲有事。

徐文靖云有事者何春秋僖公八年夏六月辛巳有

事于太廟。又昭公十五年春二月癸酉有事于武宮。以有事為禘是也。六五辰在卯。上值

氏。石氏曰。氏一名天廟。五又離爻。上值張附星。天廟石

氏曰。天廟祭祀使民不忘。開元占經故云有事。

上六 婚媾有言

上與三應。三互坎。辰在子。上值女。聖洽符曰。須女者。主

嫁娶事也。開元占經故象婚媾。上六兌爻。辰在酉。上值昴附

星。卷舌。石氏曰。卷舌主利口。開元占經故有言。

艮

初上艮其趾

初六辰在未得坤氣。坤爲拇。虞翻咸初六注趾與拇同類者也。
案艮位近寅上值箕小雅巷伯哆兮哆兮成是南箕。箋云箕星侈然踵狹而舌廣疏箕四星二爲踵二爲舌故有趾象。

六二艮其腓不拯其隨其心不快

九三辰在辰得巽氣。巽爲股。說卦二在三下腓象也。詳見咸六

二馬融云承舉也。釋文案古字承拯通。二雖中正而體柔弱不

能上舉而拯其所隨。是以其心不快。其心指四。四辰在午。上值心星。互坎爲加憂。爲心病。說卦故不快。

九三艮其限列其夤厲薰心

限鄭云要也。夤作臙。文釋案臙脊肉九三互坎坎爲要又

爲脊。俱虞翻注故云艮其限列其臙九三又互震辰在卯上

值心星馬融云熏灼其心詩所謂憂心如熏也。薰虞

翻作闔云守門人也案九三辰在辰上值角附星天門

文獻通考天門主天之門者也故象闔坎盜動門故厲

闔心。經史管窺揚雄甘泉賦進巫咸兮叫帝熏開天庭

今延羣神漢書贊云烏呼史遷熏胥以刑蔡邕釋

誨下獲熏胥之辜此皆闔字作熏字之證穀梁傳襄二

十九年閭門者也寺人也蓋古之守門者以腐州者充

六四艮其身

張惠言云。艮止也。陽窮止於陰上。於消卦在觀。案觀四

互坤。坤為身。注虞翻辰在申。上值參。宋中興天文志引石

氏曰。西宮白帝。其精白虎為七宿。觜首參身也。文獻通考故

云艮其身。釋名身伸也。可屈伸也。

六五艮其輔言有序

輔。面頰骨上頰車者也。詳見咸上六五辰在卯。得震氣。震為

言。注虞翻故言有序。

上九敦艮吉

上九艮爻。辰在丑。論衡物勢丑土也。上九居重艮之上。

故曰敦。爾雅邱再成曰敦。

漸

漸女歸吉

漸下體艮。位近寅。上值箕。莊存與云。箕爲後宮。精五飯。縫衣裳。婦人之宜也。古者祭祀賓客喪紀。女宮之戒。具酒漿籩豆。以上逮於粢盛。皆后如嬪婦之所躬親也。斯女歸吉乎。

初六鴻漸于干。小子厲有言。

初六巽爻。辰在巳。上值張翼軫。黃帝占曰。張。朱雀嚆也。

開元占經律書曰翼者言萬物有羽翼也廣雅軫謂之鳥鷖

故象鴻干鄭謂大水之旁故停水處詩伐檀疏初體艮為小

子虞翻注失位故厲艮辰在寅上值箕詩汜歷樞曰箕為

天口主出氣太平御覽初居艮之始故有言莊存與云用自

小子之有言也童子備官未聞至教往往輕言天下之

事聽之若可喜老成人謝焉而實孩童之以憂為謔也

懲之使知厲說無由作矣初又當已位謂初上值紫微垣天理合

誠圖曰天理在斗中司三公也如人喉在舌以理舌語

占經開元亦有言象也

六二鴻漸于磐飲食衎衎

集上卷之九

六二離爻位近午。上值鶉火之次。柳星張屬之。黃帝占

曰。柳。朱雀頭也。主卿相大臣之廚。又云。七星。朱雀心也。

開元占經。天官書曰。張。嗉為廚。故云。鴻漸于磐。飲食衎衎。易疏

引馬融云。山中石盤。延故稱磐也。史漢武紀引作般。裴龍駒注云。水涯堆也。楊升庵經說云。水涯堆之訓為是。

鴻固不棲石也。毛西河仲氏易駁之云。磐。本山石。並無水涯之訓。此正見所次非宜之意。不然。陸陵亦水涯乎。

釋文衍。二辰又在酉。上值胃。晉書天文志。胃。天之廚。

藏亦飲食象也。

九三鴻漸于陸。夫征不復。婦孕不育。凶。利禦寇。

九三辰在辰。上值軫。見初爻故象鴻。馬融云。山上高平曰

陸釋文釋名高平曰陸。陸澆也。水流澆而去也。疏鄭證云李巡注爾雅云高平謂土地豐正名為陸。

云孕猶娠也。釋文九三上與九五互體為離。離為大腹。孕

之象也。案離辰在午。上值七星附星。軒轅開元占經引石氏曰軒轅舍為百二十妃。大小相次。后宮多

子孫故有孕象。九三辰又在辰。史記律書辰者言萬物之娠也。三言婦孕象之。又互體為坎。

坎為丈夫。坎為水。水流而去。是夫征不復也。案坎辰在

日子之性水也。故云坎為水。夫征不復。則婦人之道顛覆。故孕而不

育。郊特牲疏寇謂三也。禦謂五也。五辰在子。上值紫微垣

句陳。水經注紫微有句陳之宿。主鬪訟兵陣。故利禦寇。

六四鴻漸于木或得其桷

六四巽爻辰在巳上值鶉尾之次故象鴻說卦巽爲木鴻水鳥不木棲者初失位不與四應故鴻漸于木桷翟元云桷也釋文釋名桷桷也其形細而疏桷也或謂之桷桷傳也相傳次而布列也或謂之桷在穩旁下列衰衰然垂也四已承五又願得三故曰或得其桷

九五鴻漸于陸婦三歲不孕

九五辰在申上值鶉首之次故象鴻陸績云陸陵俱是

高處然陵卑於陸也

口訣義釋名云大阜日陵陵隆也體隆高也

婦謂四

也六四互離辰在午上值七星附星軒轅石氏曰軒轅

舍爲百二十妃大小相次后宮多子孫

開元占經

故說卦云

離爲大腹。有孕象。三動則離壞。故不孕。自上至三三爻。故三歲不孕。

上九鴻漸于陸。其羽可用爲儀。

上終變。辰在巳。上值鶉尾之次。

詳見初爻

故象鴻。陸。惠士奇

云。天衢也。天文有北陸。西陸。鴻漸于陸。蓋謂鴻飛戾天也。儀。毛西河云。舞也。書。鳳凰來儀。文舞用羽。名羽舞。羽舞有次第。如鴻序然。皆漸之有象者。

歸妹

初九歸妹。以娣。跛能履。

張惠言云。初九爻辰在子。六三爻辰在亥。亥子之月。冰未泮。請期時也。禮。媵女者必先至女之國。其以是時與。故初曰歸妹以娣。三曰歸妹以須。反歸以娣。言雖有才智。當冬而歸。則娣也。周易鄭荀義。馬庚吉云。初得坎氣。坎為曳。注。虞翻。應在四。四體震為行。虞翻乾故跛能履。

九二 利幽人之貞

初動二在坎中。故稱幽人。史記太史公自序。幽于縲紲巷。管晏列傳。吾幽囚。漢書呂后紀。皇太后幽之永受辱。皆謂幽為幽囚。九二又坎爻。位近子上。值虛附星。天壘城。巫咸曰。天壘城如貫索狀。開元占經。故象幽人。詳見履九

六三歸妹以須反歸以娣

鄭云須有才智之稱天文有須女屈原之姊名女須詩

扈疏周禮天官序官疏又李衡周易義海撮要引

陸希聲曰天文織女為貴須女為賤董真卿周易會通

引僧一行曰須亦賤案三互坎辰在子上值須女故曰

女也天文有須女

歸妹以須娣謂初也詳見初爻

九四歸妹愆期遲歸有時

張惠言云九四震體而爻辰在午五月中曰歸妹愆期

遲歸有時言遲歸者當待明年仲春矣以在震故有時

也。必五月中。乃曰愆期。則五月以前。不待期年。故標有梅。注義。謂仲夏以前。猶得嫁娶。梅盡。則夏已晚。乃待明年仲春。然則以五月中為斷。過此為愆期也。周易鄭荀義

六五帝乙歸妹。其君之袂。不如其娣之袂良。

張惠言云。歸妹六五。以陰居尊位。下應九二。為天子之

女下嫁之象。爻辰又在卯。正春分時。故曰帝乙歸妹。周易

鄭荀案。六五離爻。上值七星。晉志。七星主衣裳文繡。故

有袂象。釋名。袂。掣也。掣。開也。開。張之以受臂。屈伸也。汪琬云。帝乙以柔中者

化其妹。使尚德而不貴飾。故曰不如其娣之袂良。堯峰文鈔

上六女承筐无實士刲羊无血

鄭云宗廟之禮主婦奉筐當爲米士昏禮云婦入三月

而後祭行儀禮特牲饋食禮張惠言云上象婦入祭行

者以爻辰在巳由卯至巳三月故曰婦入三月上宗廟

爻故曰祭三月祭行而後成婦未承祭猶稱女也周易

義案上六辰在巳上值北斗大象列星圖曰文昌六星

在北斗魁前如匡形故史遷曰斗魁戴匡太平御覽六自下

受上稱承故曰承匡易例陽爲實陰爲虛三四復位變

坤爲虛虞翻注故无實上六又兌爻上值昴附星天苑

文獻通考天苑十六星主馬牛羊故說卦云兌為羊卦馬融云刺也釋文四互坎為血卦說卦三四復位成泰坎象不見故士刲羊无血

豐

初九遇其配主雖旬无咎往有尙

配鄭作妃云嘉耦曰妃

釋文

案說文解字女部妃匹也白虎通義嫁娶謂相與為偶

也又云初修禮上朝四四以匹敵恩厚待之雖畱十日

不為咎正以十日者朝聘之禮止于主國以為限聘禮

畢歸大禮曰旬而稍旬之外為稍久畱非常

詩有客疏張惠

言云豐王假之王者受命諸侯修禮來朝者恩厚待之不職者誅之卦震上離下震在上為帝初本震爻為諸侯故以四為妃主言見匹敵相人偶也九四爻辰在午初九爻辰在子君南面臣北面故云修禮朝四離為日數十故雖旬无咎過則非常周易鄭荀義

六二豐其蔀日中見斗往得疑疾

蔀鄭作菩云小席也釋文案釋文引馬融云蔀小也張惠言易義別錄云鄭作菩小席

亦本案二互巽辰在巳上值角附星帝席開元占經引甘氏星讚曰

帝席設坐故云豐其蔀九四或云蔀蔀蔀也六二離

晏族酢酬同 六

爻辰在午。上值柳。天官書曰。柳主草木。離夏之時。草木

蒙密。故豐其蔀也。毛西河云。蔀者。蔀蔀。草名。廣雅云。魚蔀。案九四辰在午。故亦曰豐其蔀。

斗。謂四互巽。上值紫微垣。北斗。春秋運斗樞曰。北斗

七星。第一天樞。第二璇。第三璣。第四權。第五玉衡。第六

闔陽。第七搖光。第一至第四為魁。第五至第七為杓。合

為斗。居陰布陽。故稱北斗。太平御覽五。下體離為日。說九四義同。

二居下體之中。故云日中。二辰在酉。得兌氣。兌為見。虞翻

蒙六三注故日中見斗。四又上值亢。文獻通考。亢主疾疫。故

云往得疑疾。

九三豐其沛日中見沫折其右肱

沛鄭作芾云祭祀之蔽膝。

釋文

干寶亦然。

張惠言云玉藻注凡韋爲

之在祭服爲芾震爲足離爲赤。

案九三辰在辰上值亢大夫赤芾在足而赤則芾也。

海中占曰亢星齊明宗廟有敬。

開元占經

大夫祭祀用赤芾。

故曰芾祭祀之蔽膝。

毛西河引劉熙云沛者水草相

生之名公羊傳草棘曰沛齊侯田于沛是也崔駰達旨

云蟲蚋之趣大沛又云三之沛卽二之蔀也案三辰在

辰上值氏周語曰本見而草木節解韋昭云氏本也三

又得巽氣巽之剛爻爲木柔爻爲草故解沛爲水草

沫鄭本作昧服虔云日中而昏是也

並釋文張惠言云昧昏也象曰豐

其沛不可大事也國之大事在祀與戎九家云斗杓後

三豐帶而見昧

不能承祭祀故君誅之

小星也集解管城碩記云沫子夏傳作昧云星之小

一星在北斗第六星左去極三十度入角宿三度漢書

翟方進傳輔湛汲火守舍張晏曰輔沉沒不見則天下

之兵銷蓋輔星象親近之大臣

三居下卦之上乃大臣象也

陸希聲曰沫者斗槩謂

斗之輔星斗以象大臣槩以象家臣

周易義海撮要案北斗在

辰巳兩宮三辰在辰故云日中見沫也

鄭云三良爻

艮為手互體為巽巽又為進退手而便於進退右肱也

猶大臣用事於君君能誅之故无咎

儀禮覲禮疏

案巽辰在

辰上值亢附星折威石氏曰折威者天子執法之徒也
開元占經張惠言云覲禮三享畢侯氏乃右肉袒于廟門之
東注云右肉袒者刑宜施于右也故云折其右肱

九四豐其蔀日中見斗

詳見二爻

六五來章有慶譽

六五辰在卯得震氣震爲餘慶

虞翻坤文言注

故云來章有慶

譽

上六豐其屋蔀其家闕其戶闐其無人

闕李登曰。小視。董真卿周闕。鄭云。無人貌。釋案三隱伏

坎中。坎辰在子。上值虛危。惠士奇云。天文危為蓋屋。虛

為哭泣。宋均曰。蓋屋之下中無人。但虛空似乎殯宮。故

主哭泣。上六有似殯宮。其虛危之象乎。

旅

初六旅瑣瑣斯其所取災

鄭云。瑣瑣猶小小也。爻互體艮。艮小石。小小之象。三為

聘客。案三互巽辰在巳。上值翼隋志。初與二其介也。介

當以篤實之人為之。而用小人瑣瑣然。客主人為言。不

能辭曰非禮。不能對曰非禮。每者。不能以禮行之。則其所以得罪。案已上值軫開元占經引黃帝占曰軫主察凶災。故曰斯其所取災。

六二旅卽次懷其資

六二辰在酉。上值紫微垣傳舍。甘氏曰。傳舍九星。在華

蓋上。近河傍舍。賓客之館舍也。又曰。傳舍止客。並開元占經

案。傳舍卽所謂次也。文選范雲贈張徐州詩注引風俗通義云。傳舍案諸侯及使者有傳

信乃得舍於傳耳。夫旅既有宿。將必有齎。持以爲宿者。聘禮問

幾月之齎。卽資也。二互巽爲近利。鄭乾鑿度注又爲藏。虞翻說卦

注故懷其資。集解引九家曰。卽就次舍資財也。以陰居二卽就其舍。故旅卽次。承陽有實。故懷其

資

九三旅焚其次

三辰在辰，上值大火之次，故有焚象。艮舍為次，三動艮壞，故焚其次。

九四 得其資斧，我心不快

資斧，釋文云：子夏及眾家並作齊。

漢書王莽傳注：應劭曰：齊利也。亡其齊斧。

言無以復斬斷也。

案九四辰在午，得離氣，離為齊斧。

虞翻注

九四

又震爻辰在卯，上值紫微垣天倉。黃帝占曰：天倉一名天鉞，三星鼎足形，在北斗杓端，其狀忽然不欲明，明則

斧鉞用。開元占經故云得其齊斧。卯又上值心星處旅而僅

得資斧。故我心不快。或云斧釜通。謂齋糧也。案午上

值柳。石氏曰。柳主尙食。開元占經謂資斧爲齋釜亦通。

六五射雉一矢亡終以譽命

六五辰在卯。大火之次也。上值房附星日。宋中興天文

志。引甘氏曰。日者陽宗之精也。爲雞三足。爲鳥二足。雞

在日中。而鳥之精爲星。以司太陽之行度。文獻通考故象雉。

五互兌。辰在酉。上值畢附星參旗。石氏曰。參旗九星在

參西。一名天弓。開元占經故象射雉。五離爻辰在午。上值鶉火之次。雉象也。案說卦。

離為雉。干寶云。離為矢。故云射雉。

五變體乾。矢動雉飛。故一矢亡。

爻例三多凶。二多

譽。二互巽為命令。

陸績巽象傳注

辰在巳。上值紫微北斗。巫咸

曰。北斗。天子受命之使。

開元占經

故有譽命。

上九鳥焚其巢。旅人先笑後號咷。喪牛于易凶。

上體離為科上槁。

卦說

故象巢。離辰在午。為鶉火之次。上

居離極。故鳥焚其巢。

上九艮爻辰在丑。上值斗附星天雞。故象鳥。

四變賁。體

震。於時為春。春秋繁露曰。春蠢也。蠢蠢然喜樂之貌。故

為笑。震在前。故先笑。三與上應。三辰在辰。得巽氣。巽為

號咷。

虞翻注巽象在後。故後號咷。

上九辰在戌。上值婁。

文獻通考。婁主苑牧犧牲。上九又艮爻。辰在丑。論衡物勢丑土也。其禽牛也。詳見大畜故象牛。易鄭注喪羊于易云。佼易也。

巽

初六 利武人之貞

初六辰在未。上值井附星弧矢。荊州占曰。弧矢主武官。開元占經故利武人之貞。

九二巽在牀下用史巫紛若

九二辰在寅。上值紫微垣天牀。文獻通考。天牀六星。堂

閭闔門外主天子寢舍解息燕休之處故象牀宋衷云

無應於上退而據初心在於下故云巽在牀下也

集解

寅上值尾附星傳說元命包曰傳說主祝章巫官也章

清號之聲蓋女巫也

開元占經

大象列星圖曰傳說一星在

尾北後河中也蓋後宮女巫主祝祠神靈祈禱以求子

嗣

太平御覽六

二變艮辰在丑上值柱史大象列星圖曰柱

下史一星在紫微宮內近尙書此左右掌記君之過

太平

御覽

史巫象也

集解引荀爽曰牀下以喻近也二者軍帥三者號令故言牀下以明將之所專

不過軍中事也史以書勳巫以告廟紛變若順也謂二以陽應陽君所不臣軍帥之象征伐既畢書勳告廟當

變而順五。則吉。故曰用史巫紛若吉。无咎矣。

九三頻巽

九三辰在辰。得巽氣。巽爲進退。說卦頻蹙不前。故云頻巽。

與復三參看

六四 田獲三品

四互兌。辰在酉。上值畢。天官書曰。罕車主弋獵。故象田。六四辰在丑。得艮氣。艮爲手。說卦故稱獲三品。李鼎祚曰。

一爲乾豆。二爲賓客。三爲充君之庖。上殺爲豆。實。次殺供賓客。下殺充庖廚。集解

九五 无初有終先庚三日後庚三日

巽辰在巳上值角軫。莊存與云。奎壁初也。角軫終也。巽不爲初。九五曰无初有終。以是爲天地之初終也。九五辰在申。爾雅釋詁。申重也。荀子富國。爵服慶賞以申之。注再令曰申。五居尊位。爲巽之主。故先庚三日。後庚三日。

上九 巽在牀下喪其資斧

上九艮爻位近寅。上值紫微垣天牀。晉書天文志。天牀主寢舍。解息燕休。故象牀下。謂初也。窮上反下而成震。

故云巽在牀下。詳見九二 集解引九家曰上為宗廟

之命將之所專故 艮位又近丑上值南斗黃帝占曰

南斗一名斧鉞。開元占經 故象斧。集解引荀爽曰軍罷師旋亦告於廟還斧於君故喪

齊斧正如其故不執臣節 或云斧釜通謂齋糧也案

上九辰在戌上值胃石氏曰胃主倉廩五穀府。開元據

此則謂斧為釜可備一義。與旅四參看

兌

初九和兌

柳榮宗曰初九震爻位近卯屬春春秋繁露曰春蠢也

蠢蠢然喜樂之貌。故和。案困學紀聞引周髀云：天地四極四和。注謂四和者謂之極。子午卯酉得東西南北之中。案震辰在卯兌而和矣。

九二孚兌

九五坎爻位近子。論衡物勢子水也。案坎彖云：水流而不盈，行險而不失其信，故爲孚。秦九二虞注：張惠言虞氏逸象注云：孚信也。水不孚兌者，二與五應，說不失時，有孚者也。

六三來兌凶

惠士奇易說云：八卦相盪，故有往來。又云：春秋莊公二十有七年，鄭瞻自齊逃來，公羊曰：何以書？書甚佞也。曰：

佞人來矣。佞人來矣。三之來也。其佞人之象乎。案三兌
爻辰在西。上值昴附星天譏。石氏曰。天譏星明。則譏佞
害民善。開元占經又曰。天譏星在卷舌中。亦主誹謗。御覽故
來兌凶。

九四商兌未甯介疾有喜

鄭云。商。隱度也。

釋文

案九四互巽爲進退。

說卦

展轉調劑。故

曰商兌。巽位近辰。

上值亢。史記天官書。亢主疾介。左氏

昭二十年傳。偃介之關。注云。介。隔也。四比於三。故曰介

疾。惠士奇云。有喜者。猶无妄之疾。勿藥有喜云爾。虞

翻以互巽為近利市三倍。解商為商估之商。案已上值

翼。孝經章句曰。翼者市也。開元占經天官書曰。翼主遠客。故

曰商兌。章本清云兌屬正秋商音用事亦通。

九五孚于剝

上六兌爻辰在酉。屬西方。毛西河云。兌秋之終。九月為

剝。仲氏易注云剝九月卦為兌末。五比于上。處尊正之位。不信乎陽而

說乎陰。故云孚于剝。

上六引兌

引兌。謂上引三也。上六辰在巳。得巽氣。巽為繩。說卦有牽

引象。案素問四時刻逆從論。皮膚引疾。注引謂牽出。三失位。上牽引之使應已。非善說者也。

渙

王假有廟

說見萃

利涉大川

渙下體坎辰在子。上值虛附星天津。莊存與云。天津列河中。以通四方。渙表焉。其象曰利涉大川。乘木有功也。匏瓜可以供濟。爲備敗。且舟楫之先事也。

先王以享于帝立廟

子上值虛危。莊存與云。宗廟虛危之正位也。四海之內。各以其職來助祭。渙之大者也。聖人尊祖以配天。是故傳曰。先王以享于帝立廟。張惠言云。帝。謂南郊之帝也。渙。巽下坎上。九二體震爲天帝。爻辰在寅。寅爲人之始。寅又艮位。艮爲鬼門。王者之祖。皆太微五帝之所生。此其象也。周易鄭荀義

初六用拯馬壯吉

九二坎爻辰在子。上值危附星造父。郊蒞曰造父。一名

司馬主御僕。開元占經拯鄭注明夷六二云承也。初上承二。故用拯馬壯吉。

九二渙奔其机

机卽几也。戴侗云：古人坐於地，几坐所凭也。通作机。左傳：設几而不倚，是也。二辰在寅，得艮氣。艮爲肱。虞翻豐九三注凭几之象，二失正，與初易位，變震爲奔。虞翻注故云奔其机。

六三渙其躬

六三辰在亥，上值紫微句陳。莊存與云：中宮天極其一

明者至尊也。旁三星三公。或曰子屬前星爲太子。後星爲庶子。句陳大星正妃。餘爲後宮之屬。六三曰渙其躬。无悔。凡在臣妾咸有致身之誼矣。味經齋遺書 張惠言云二已變坤爲躬。案坤辰在申。上值參。宋中興天文志引石氏云西宮白帝其精白虎爲七宿背首參身也。故象躬。

六四渙其羣 渙有邛匪夷所思

六四辰在丑亦值紫微句陳

見上六三爻

莊存與云六四曰

渙其羣元吉。渙有邛匪夷所思。正如適子大臣之道也。以其羣其主職。渙其羣合主德邛也。若可踰也而不可踰。則匪夷所思也。眾妾眾子眾臣有等夷之心。則並后

配適兩政之亂成矣。渙之四則能絕其思。故元吉焉。味經

齊遺書羣謂初也初六辰在未得坤氣虞翻注坤三

爻稱羣四居正位心無私繫故渙其羣。六四辰在丑

得艮氣通卦驗云艮為邸六四又巽爻辰在辰上值軫

附星青邸荆州占曰客星守青邸土宮有事故云渙有

邸四互震辰在卯上值心星心之官則思夷詩草

蟲我心則夷箋平也匪比之匪人釋文馬注云非也

九五渙汗其大號渙王居无咎

鄭云號令也。文選張平子劉向上封事云渙汗其大號。

東京賦注

言號令如汗出而不反者也。案九五坎爻辰在子上值

紫微垣天柱。隋志曰天柱建政教立圖法之府也。常以

朔望日垂禁令於天柱以示百司。故云渙汗其大號。

子上值危。黃帝占曰。危主廟堂。主柱。主蓋屋。以成帝宮。
開元占經故象王居。當渙之時。王居正位。三變應。故无咎。
又子上值紫宮。句陳。莊存與云。天極句陳。居其所而眾星共
 之。庶民惟星。渙之大者也。天以王者之都為居。大帝之
 坐麗焉。居不敢
 康。是以无咎也。

上九渙其血去逃

上與三應。三體坎為血卦。
說卦辰在子。上值虛危。晉志。虛

危主哭泣。有逃象。
逃虞翻云。憂也。二變體觀。坎象不見。故血去

逃。

節

初九不出戶庭

錢大昕云。節初九辰在子。上值危。危爲蓋屋。故有門戶之象。

九二不出門庭

錢大昕云。九二不出門庭。二據初。故云門。案錢於初云

蓋屋二據初。故象門庭。

六三 則嗟若

六三辰在亥。分野略例。亥爲諏訔。諏訔者。歎息也。故嗟。

六四安節

九五辰在申得坤氣。坤爲安。虞翻下繫注四得正承五故安節。

九五甘節

九五辰在申得坤氣。坤爲土。土爰稼穡作甘。虞翻臨故六三注甘節。

上六苦節

上六辰在巳。論衡物勢巳火也。火炎上作苦故苦節中孚。

豚魚吉

鄭云三辰在亥亥為豕爻失正故變而從小名言豚耳

四辰在丑丑為鼃蟹惠棟云鄭注月令丑為鼃蟹正義云按陰陽式法丑為鼃蟹正鼃

蟹魚之微者爻得正故變而從大名言魚耳三體兌兌

為澤四上值天淵惠棟云丑上值斗天淵十星在天龍東一日大海主灌漑溝渠之事天龍

在斗二五皆坎爻坎為水水浸澤則豚利五亦以水灌

淵則魚利豚魚以喻小民也而為明君賢臣恩意所供

養故吉詩無

利涉大川

莊存與云乘木舟虛應天船也味經齋遺書案中孚下體兌上值胃附星天

船。隋志：天船亦曰舟星。

初九虞吉有他不燕

初九辰在子得坎氣坎為憂疑。

說卦坎為加憂小畜上九虞翻注坎為疑故

不燕初以專一自守則吉若有他意於四則不燕戒之

也。集解引荀爽曰虞安也初應於四宜自安虞无意於四則吉故曰虞吉也四者乘五有他意於四則不安

故曰有他不燕也

九二鳴鶴在陰其子和之我有好爵吾與爾靡之

禽經：鶴為露禽。八月白露降。鶴即鳴而相驚。中孚下體

兌兌正秋。二居兌中。故以鳴鶴言之。兌又陰地。故云在

陰二互震爲鳴。

注虞翻

五互艮爲子。

注虞翻

二與五應故鶴

鳴子和。

爵位也。

吾謂五也。九五坎爻辰在子。上值虛

附星司祿。文獻通考。司祿主爵祿。故云好爵。靡孟喜云。

共也。

釋文

謂與二共之也。

六三得敵或鼓或罷或泣或歌

荀爽云。三四俱陰。故得敵也。四得位有位。故鼓而歌。三

失位無實。故罷而泣之也。

集案

六四辰在丑。上值牛附

星河鼓。郊萌曰。河鼓一名提鼓。一名天董。

開元占經

徐文靖

云。周禮大祝辨九擗。四曰振動。鄭大夫曰。動亦或爲董。

振動以兩手相擊也。天董亦擊鼓之意也。故或鼓四巽
爻。辰在巳。上值軫。文獻通考。軫主樂府歌謠之事。故或
歌。三辰在亥。淮南天文。亥爲收。故或罷。亥上值危。晉書
天文志。虛爲哭泣。危與虛同占。故或泣。

六四月幾望馬匹亡

六四巽爻。辰在巳。上值紫微垣天璇。石氏曰。北斗第二

星主月。

開元占經

故象月。既望。孟喜云。十六日也。

晁氏易

六

四互震爲馬。

陸績賁六四爻注

辰在卯。上值房。史記天官書曰。

房曰天駟。索隱曰。詩汜麻樞云。房爲天馬。主車駕。古者

駕車用四馬。不能備純色。則兩服兩驂各一色。又小大必相稱。故兩馬爲匹。四與初爲匹。四上應五而不應初。故馬匹亡。

九五有孚攣如

九五坎爻辰在子。論衡譏日子之性水也。水行險而不失信。故有孚。五互艮爲手。說卦又互巽爲繩。說卦故攣如。

上九翰音登于天

上九艮爻辰在丑。上值斗附星天雞。合誠圖曰。天雞主候時。開元占經上九辰又在戌。得乾氣。乾爲天。說卦故曰翰音。

登于天

小過

飛鳥遺之音

毛西河云。小過互巽。巽位東南。正與離近。當鶉火之尾。故象飛鳥。

初六飛鳥以凶

錢大昕云。小過初云。飛鳥以凶。未爲鶉首也。初在艮下。宜止而反飛。故凶。

六二過其祖。遇其妣。不及其君。遇其臣。

祖謂祖母初也。初辰在未。得坤氣。坤爲母。

卦說

由母而上。

溯之。則有祖母。

張惠言云。對妣言。故知謂祖母。

二遇初。故遇其祖。妣謂

三也。九三辰在辰。得巽氣。張惠言云。二在巽。三巽之主。

女隨母。故三爲二母。母死。故稱妣。五變。三體姤遇。故遇

其妣。六五辰在卯。上值紫微垣帝星。

晉志。北極第二星主日。帝王也。

君象也。二之五。爲三所隔。故不及其君。三辰在辰。上值

紫微垣相星。

開元占經引石氏曰。相星在北斗南。又引黃帝占曰。相星。天丞相也。大臣之象也。

臣象也。二正承三。得正體姤遇。故遇其臣。

九三弗過防之。從或戕之。

真曰：此月利。卷四

防。謂防四戕害也。案九四辰在午，得離氣。離為甲冑，為

戈兵。說卦故從或戕之。

九四 往厲必戒

九四辰在午。上值七星。晉志：七星主兵。又主盜賊。與九三參

看四之初。三防之。四不得之初。故往厲必戒。

六五 密雲不雨，自我西郊。公弋取彼在穴。

六四離爻。位近午。上值柳。隋志：柳主雷雨。又上值七星。

附星。軒轅。張衡云：軒轅主雷雨之神。陰陽和為雨。聚為

雲。文獻通考故有雲象。雨象。五互兌為密。虞翻注辰在酉。於方

爲西。故云密雲不雨。自我西郊。初六辰在未。上值鶉

首。取彼在穴。謂取初也。徐文靖云。周禮夏官有穴。氏。鄭注。穴。搏蟄獸所藏者。上辰

在巳。上值鶉尾。弋。謂弋上也。徐文靖云。周禮司弓矢職。云。增矢。弗矢。用諸弋射。鄭

康成注。二者皆公。謂三也。三辰在辰。上值紫微垣三公。可以弋飛鳥。

晉志曰。三公主宣德化。和七政。調陰陽之官也。故云公弋取彼在穴。

上六飛鳥離之凶

錢大昕云。上六辰在巳。小過云。飛鳥離之。巳爲鶉尾也。離麗也。飛而不已。將有網罟以離之。故凶。

既濟

初九曳其輪濡其尾

宋衷云初在後稱尾。集解初九辰在子得坎氣坎為輪為

曳。集解引姚信注坎水又為濡故云曳其輪濡其尾。子上值女

莊存與云漸車之水曳其輪也且奚仲在焉主車之官也

六二婦喪其茀

茀鄭云車蔽也。釋文案爾雅輿革謂之輶後謂之茀竹前謂之禦後謂之蔽又毛詩采芑箋

茀之言蔽也姚配中云婦人乘車必有蔽喪茀喻失其所以蔽也二互坎辰在子上值

危附星車府二乘車適五而六四當其前四坎為盜說

竊茀者也故婦喪其茀

九三高宗伐鬼方三年克之

干寶曰。高宗殷中興之君。鬼方北國也。集解 九經古義云。丙子學易

編引蒼頡篇云。鬼遠也。又云。鬼方言。言其幽昧也。皆不以地實之。此臆說也。案九三艮爻。艮爲

鬼門。鄭觀彖注故云鬼方。艮位近丑。上值斗。甘氏曰。南斗主

兵。開元經故云伐。莊二十九年左傳。凡師有鐘鼓曰伐。無

曰侵。三年克之者。言其難也。上與三應。由三至上三爻。

故曰三年。惠棟云。商之鬼方。周荆楚之地。商頌殷武。

卽鬼方詩也。李方湛云。大戴禮帝繫篇云。陸終氏娶于

鬼方氏。史記楚世家云。陸終氏生子六人。六曰季連。芊

姓楚爲芊姓之後。則鬼方自當在荆楚之地。旣濟九三。爻辰在辰。辰爲壽星之次。鄭分野。鄭南與楚隣。商時或尙爲鬼國地。故旣濟此爻。卽取象於此。

六四繻有衣袽終日戒

袽。敗衣也。六四互離。辰在午上。值七星。晉志。七星主衣裳。故繻有衣袽。晉志又云。七星主急兵盜賊。故戒。離爲日。說卦。故終日戒。

九五東鄰殺牛不如西鄰之禴祭

鄭云。互體爲坎也。又互體爲離。離爲日。坎爲月。日出東

方東鄰象也。月出西方。西鄰象也。禮坊禴夏祭之名。詩

保案。離辰在午。上值張附星天廟。甘氏讚曰。天廟祭祀。

示民不忘。開元占經。祭祀用大牲。離為牛。昭五年傳。又為刀。虞翻

注上六。故殺牛。坎辰在子。上值虛危。史記正義曰。虛為邑。

居廟堂祭祀禱祝之事。又云。危為宗廟祀事。故有禴祭。

象享神之道。在誠不在物。故東鄰殺牛。不如西鄰之禴。

祭。

上六濡其首

易例上為首。九五坎爻。辰在子。論衡子水也。上與五比。

故濡其首。

未濟

初六濡其尾

九二辰在寅。得艮氣。艮爲狐。

虞翻屯六三注

初與二比。故象狐

尾。初在坎水下。故濡。

九二曳其輪

九二坎爻。辰在子。上值危附星車府。故姚信云。坎爲輪。

說卦坎爲弓輪。

二應五而隔四。止而據初。故曳。

與既濟初九參看

六三未濟。征凶。利涉大川。

六三體坎。又互坎。辰在子。上值天津。黃帝占曰。天津一

名巨潢。開元占經大川也。六三又兌爻。辰在酉。上值胃附星

天船。文獻通考。天船九星。一曰舟星主渡。故利涉。莊存與云

在雲漢之陰。故未濟。近天津之次。故利涉。

九四 震用伐鬼方。三年有賞于大國。

僧一行曰。震敬也。董真卿周案九四辰在午。張錫智云。

午上值七星。七星主兵。故用伐。又上值張。張為賞與。案

志張主賞。賚之事。故有賞。

六五 君子之光

六五離爻辰在午。王充論衡午火也。南齊書引洪範五行傳。火南方揚光輝。出炎燭爲明者也。五爲文明之主。篤實輝光。日新其德。故曰君子之光。

上九有孚于飲酒 濡其首

上九艮爻辰在丑。上值斗。可以斟之象。鄭坎六四注故云飲

酒。卦下體坎爲信。乾鑿度故有孚。上九辰又在戌。得乾

氣乾爲首。說卦首在酒中。故濡其首。